

# *BUKA EA BOPHELO EA KONYANA*

 Lumelang hoseng hona, metsoalle. E ne e batla e le ntho e makatsang ho 'na ho ba mona kajeno. Ke ne ke sa lebella ho ba mona. Ke ne ke tla ba tlase Kentucky. 'Me motsoalle oa ka ea ratehang o ile a kula habohloko, Moena oa rona Lyle McSpaddin. [Sekheo lebanteng—Mohl.] . . . maemong a ho shoa kokelong. Mof. Fergerson ea neng a tloaetse ho tla koano, mora oa hae o a shoa, le eena, kokelong. 'Me ka hona ka se ke ka ea, 'me ka sala le bona feela.

<sup>2</sup> 'Me eaba Mongh. Matheny oa kereke ea Pentekosta e New Albany, Seterateng sa Silver, ha u feta feela . . . E lipakeng tsa . . . E Oak le Silver, ha ke nahana. 'Me eena . . . Ke ne ke loketse ho bua bakeng sa hae bosiung bona, 'me ke 'moleletse . . . Ho e hlakola, Laboraro le fetileng, 'me ka 'molella ke tla ema ho fihlela ke khutile Indianapolis. 'Me eitse feela ha ke matha ke kena kokelong maobane, ho bona Moena Lyle, khele, ka kopana le eena. 'Me a re, "Be, kea bona ha u a ea."

'Me ka re, "Che."

A re, "Be, tloo, bua, leha ho le joalo."

<sup>3</sup> Ka hona, ke a kholoa, ha Morena a ratile, ke tla theohela mono bosiung bona, ho buella Moena Matheny. 'Me, yaa, ka 'molella, hore mohla re theohelang mono, ke tla mo tšoarela tšebeletso ea pholiso. 'Me ka tloaelo ke rata ho itima lijo matsatsi a ka bang mararo pele ho tšebeletso ea pholiso. Ka hona ka 'molella hore ke tla bua, 'me haeba mang a le teng mono, re tla ba rapella, leha ho le joalo, feela—feela mola oa kamehla oa thapelo.

<sup>4</sup> Joale, re na le veke e 'ngoe hape, veke ho tloha Mantaha o tlang, joale ho fihlela litšebeletso li qala Cadle Tabernacle mane Indianapolis. 'Me re tsepia Morena a tla re hlohonolofatsa holimo mono, kopanong e khaphatsehang ka ho fetisisa. Joaloka ngoana, ka litebello tsa Keresemese, ke emetse tšebeletso eo. Ke . . .

<sup>5</sup> Uena, ntho e 'ngoe feela mabapi le ho sebeletsa Morena, re khathala haholo ka nako e 'ngoe, ho fihlela eka ha re khone ho tsoelapele. 'Me ha u phomola, letsatsi kapa a mabeli feela, ho na le ntho e u otlang 'me—'me u tlameha ho tsamaea hape. Ka hona, kajeno, re mona ka morero o le mong, 'ona, ke ho sebeletsa Morena.

<sup>6</sup> 'Me pele feela re rapela 'me ho baloa Lentsoe, ke batla ho kopa tšoarello pontšeng ho Moena Neville. 'Na . . . Maobane, ke ne ke lutse hae ho tsoa tlase Kentucky, maobane, ka morero, ho mo rerebla khaso. Moqebelo o tlang, le ha Molimo o ratile, le Moena Neville ha a ratile, ke batla ho buella Moena Neville khasong, hoseng ha Moqebelo o tlang.

<sup>7</sup> 'Me ka hona, o ne a le mohau haholo ho ntšoarela, ha bonolo. A rialo... Ke nahana hore ke nkile monyetla ka eena, 'me ke e mong oa mathaka a ka khonang... Nka mo thoholetsa, 'me, "Ho lebella motho." 'Me se ileng sa mpherekanya e le hoseng hoo ha ba mpiletsha ho Moena Lyle le bao, New Albany. 'Me ke... E ne e ka ba metsotso e leshome feela pele ho hora ea borobong, 'me ka re, "Oh, ke ne ke loketse ho ba khasong eo ka metsotso e leshome." 'Me mona, 'na Jeffersonville, eena tlase mono o nkemetse. Kahoo ke... .

<sup>8</sup> Moena Wood o ile a mo letsetsa maobane, 'me ke nahanne ho lumella Moena Wood ho nkopela tšoarelo, pele, le a tseba. Ka hona o sa ntefisa ka ho etsa hore ke bueseng hona, ho theoha. Kahoo re ne re le mona. 'Me ka hona eena... re... .

<sup>9</sup> Re tšepa seo—hore Molimo o tla etsa joalo—e tla ba litšebeletsong tsa rona. Ha ke na letho le reriloeng esale pele; ha ke tsebe le ho qala Lengolong; ke sa tsoa nka Bibebe ea ka metsotsoaneng e 'maloa e fetileng, 'me ka mathela fatše. Ke ile ka tlameha ho nka Bibebe ea ka ea Collins, hoba e na le mongolo o monyenyane ho feta.

<sup>10</sup> Khele! Ke fetile mashome a mane, ua tseba. Ka hona, ha u fihla lilemong tse mashome a mane, ntho efe kapa efe e haufi le uena, ha u e bone joaloka pele, u a tseba. Ba bakae ba tsebang 'nete eo? Yaa. E, monghali.

<sup>11</sup> Ha se khale mona, ha ke nahana, "Helang, phoso e teng ka 'na, ha ke khone ho roala galase e tala kapa galase e sootho." Ha ke eso khone; e nkulisa ka maleng. Kahoo ka re, "Ho na le phoso." Ka letsetsa Ngk. Adair, 'me ka re, "Doc, ke mebala efe... A na u ka hlahluba mahlo a ka, mpolelle hore na ke lokela ho fumana 'mala ofe oa ligalase?"

<sup>12</sup> A re, "Nna, nka u bolella taba." Ho re, "Ke tla u bolella. Ke tla u romela koana Louisville, sepeshelising se seng mono, ka taba eo."

<sup>13</sup> "Be," ka re, "ha ke batle tlhahlubo ea letho ea mahlo." Ka re, "Mahlo a ka a matle. Kea bona 'me ke bona le moriri o robetseng fatše."

<sup>14</sup> A re, "Empa, ho ka ba molemo ho u hlahluba, leha ho le joalo, 'me u tla u bolella 'mala oo u tlamehang ho u fumana."

<sup>15</sup> Kahoo, ka ea teng mono. 'Me, ka fumana, e ne e le moena oa Mokreste, ea batlang ho khutlela Afrika le 'na ho ea etsa dioporeishene tse itseng. Ho re, "Joale, batala bao ba hlile ba makatsa, u a bona." Ho re, "Ha ba lumelle ho sehoa ke thipa efe." Empa baa u rata. "Me ke batla ho nehela likhoeli tse tšeletseng tsa tšebeletso e sa lefisoeng, ho sebetsana la mara a mahlo le linthong tse kang tseo, bakeng sa batala." 'Me a re, "Mohla u tšelang," ho re, "Ke rata ho nehela likhoeli tse tšeletseng tsa bophelo ba ka tšebeletsong ea Morena."

Ka re, “Doc, na u lumela pholiso e Halalelang?” A re, “Lentsoe le leng le leng la eona.”

<sup>16</sup> ‘Me a mpha bopaki, khetlo le leng . . . E ne e le sepheshelisi sa ’metso le sa mahlo. A re ba ile ba mo letsetsa. Leseanyana le ne le koentsoe phalanyana eo ea mofuta, ea paraka ’metsong oa lona. Ho re, “Ke ile ka ea koo, ’me lesea le se le batla le iketse feela. Ba le potlakisetsa kokelong. Ho se letho le ka etsetsoang lona.” Ho re, “Ke sa tsebe seo ke lokelang ho se etsa. Kahoo,” a re, “ka mpa, feela, ka tsoa ka phaposing, ’me ka re, ‘Ntate ea Maholimong ea Ratehang, nthuse ho tseba ka mokhoa seo nka se etsetsang lesea leo la batho. Le a shoa. ‘Me ha ke khone ho e fihlela, ho e rutla, ’me ha ke tsebe seo nka se etsang.’” Le ho re, “Lesea la re, ‘Uh!’ ‘Me phala ea phorotseha e oela fatše. Kahoo,” a re, “be nka sitoa joang ho e lumela?” Thapelo e fetola lintho. Ke hantle. Kahoo, a mpolella. Ra lula mono ’me ra qoqa nakoana.

<sup>17</sup> ‘Me o ne a ena le phaposinyana eo, e lerootho, eaba o khantsa nthoana mono, ’me ka bona lebonenyana le lefubelu. A re, “Na u khona ho bala ntho eo?”

<sup>18</sup> Ke e bona mashome a mabeli-holima- mashome a mabeli. Ka re, “E, monghali.” Ke ne ke kgona ho e bala, ka mokhoa ofe, mashome a mabeli-mashome a mabeli. A ntso e cheha ho leshome le metso e mehlano-leshome le metso e mehlano, ka khona ho e bala. Le leshome-leshome, ka khona ho e bala.

<sup>19</sup> A re, “Be, ha ho phoso e kaalo ka mahlo a hau.” Eaba o beha theleskoupu ka ntle mona, se nang le . . . A re, “Mpalle ntho eo.” ‘Me ka e hlokomela, ka khona ho e bala hantle. A ’na a atamela haufi, haufi. Ka qala ka fokotsa ho bala ha ka. Eitseha a ba batla a fihla *tjena*, ka khaotsa. A re, “Ke tla u bolella, pele ke u botsa. U se u tlotsse tse mashome a mane.”

Ka re, “Ee. Ke hantle.” Ka re, “Ke mashome a mane a metso e mehlano.”

<sup>20</sup> ‘Me a re—a re, “Be, motho ha a tlola mashome a mane . . .” Ho re, “Ha ke bone u khonne joang nako e telele ena.” Ho re, “Joaloka ha moriri oa hau o pulufala, letlalo la hau le a sosobana, moriri o mela ka litsebeng tsa hau, le joalo-joalo.” Mongh. Egan a ka u bolella eona, joaloka motho ea kutang moriri. “‘Me ha u feta lilemo tse mashome a mane,’ ho re, “mahlo a hau a batalla ’me ha a be sephara.” Ho re, “Joale ke tla u bolella mokhoa oa ho e sebetsa. Be, joale, u ka sesefatsa mahlo haholo ’moho, ’me oa bala ntho eo.”

<sup>21</sup> Be, moena, ke khonne ho e bala, haeba e ne e atametse ha *kaalo*, ke ntse ke pentse mahlo. Ho bea matsoho a ka *joalo*, ho etsa teleskoupu e nyenyane, joalo, u ka e bala. Ha ho letho le phoso ka mahlo a hau. Ke tlhaho feela, lilemo tse mashome a mane, batho ba tlameha ho roala ligalase tsa ho bala.

<sup>22</sup> 'Me a batlile ho nketsetsa tse ling. 'Me, be, a li etsa. Empa ha ke—ha ke eso rate lintho tseo, le a bona. 'Me ha ke—ha ha ke nahane ka tsona kamehla, 'me ke bala ka nako e 'ngoe. 'Me, empa, ke sa tsoa fumana Bibele ea Collins, e leng ea—ea mongolo o moholoanyane. 'Me ka nahana, "Be, ha ke tloaele ho li roala, u a bona." 'Me ha u—ha u shebe... Ha nka sheba hole, ka ntle *joalo*, ha ke khone ho bona letho. Empa ha u sheba tlase haufi, e u nyollela haufi le uena.

<sup>23</sup> A re, "Joale, ha u qala u bala ka mokhoa *ona*," ho re, "ntho ea pele u a tseba, ha u phetse ho isa letsoho la hau morao. Bohole *boo*, letsoho la hau ha le a lekana, kahoo o ka khona ho le nanabela." Kahoo, ho—ho ka mokhoa oo.

'Me ka hona, joale, e—e Morena a hlohonolofatse.

<sup>24</sup> Joale ke batla ho le botsa ho hong, hoseng hona, pele re qala thutong ea sekolo sa Sontaha. Boleng ke bofe—bofe? Esale ke e nahanne ka eona. Hola 'metso oa ka o ne o lekane hoseng hona, nka rera ka taba eo. Empa, 'metso oa ka, o mobe, 'me ke na le kopano ena e tlang mona, New Albany, bosiung bona. 'Me hape, le hona, ke na le... Matšolo aa qala. Ke batla ho ruta nakoana feela, hoseng hona, ho tsoa Lengolong le itseng. Empa, boleng ke eng?

<sup>25</sup> 'Mè oa ka, ha ke nahane a le teng mona. Ha ke mo bone kae feela. Na o teng? E, 'mè, u ntse u eketsa ho fokola. Kahoo, ke 'motsitse maobane. Ka 'motsa ka taba eo, hoba esale ke e batlisisa. Na u fumana ntho kelellong ea hau, eo u qalang feela u e batlisisa? Moena Weber, u entse seo hangata, le ho qala u batlisisa feela.

<sup>26</sup> Boleng ke'ng? 'Me ke qala ke nahana. Ka re, "Le a tseba, hola ke tšoere qubu ea didolara tse milione tse lekholo mona, 'me ke tšoere konoponyana mona. Ha nka tobetsa konopo ena, ke lahleheloa ke didolara tse milione tse lekholo, empa nka qoqa le ntate oa ka ea seng a iketse, hora e le 'ngoe, e le sebopuoaa se phelang hape. Ke ne ke tla etsa *joang*?" Ha ke tsilatsile, nka tobetsa konopo. Nka tela didolara tse milione tse lekholo, hoseng hona, ho lulisa ntate setulong sena, ke sa ntse ke ruta thuto ena. Joale boleng ba chelete ke bofe? Boleng ba moea bo feta chelete hakae? Le a bona?

<sup>27</sup> Joale, mama, u sa hopola mohla ke neng ke na le motlolot-T Ford e nyenyane, e nyenyane ea khale ea moetso oa '26? Ke ne ke tla bentša ntho eo hakae! Ke le ngoana feela, lilemo tse ka bang leshome le metso e tšeletseng, leshome le metso e supileng. Ke le moetralibe mehleng eo. 'Me ka linako tse ling... Ke ne ke sebetsa le Mongh. Genther morao mono. 'Me ke tla... Kamor'a Sontaha thapama... Hoseng ha Sontaha, ke theohe ke chorise likotoana tsohle le lintho, tsa k'hompressa ea moea, le ho e hloekisa. Thapama ea Sontaha, ke bentša Ford eo ea khale, ho fihlela eka farefa e tla foforeha ho eona. Ho ka thoeng ha nka

leka, hoseng hona, ho fumana sekotoana se le seng sa Ford eo? Ho ka thoe'ng ha nka leka ho fumana leqhetsoana le le leng leo, le tsoang ho k'hompressa eo ea moea? Ka nako eo nka beng ke hapa meeaa, ke ne ke bentša Ford ea ka. Kea ipotsa moo boleng bo leng teng.

<sup>28</sup> Ke ne ke sebetsa ka Sontaha hoseng holimo mono, kamoo ba neng ba ntumella. Ka e ananelaa, hobane ke ne kene molatong. 'Me ke . . . Empa ebe—ebe e mpeile kae? Ebe e hapile eng?

<sup>29</sup> Moena Ledford, ho ka thoeng ha motho a ka tla ho 'na le uena, le Moena Neville, hoseng hona, rona bohole mona, boraro ba rona, ke rialo, le ho re, "Bareri, ke tla nehela e mong le e mong oa lona milione ea didolara." Boleng ba motho e ne e le . . . e ne e ka etsoa.

<sup>30</sup> 'Me ka re, "Joale, Moena Ledford, Moena Neville, ke u bolella hore re etse eng. Tloo re tsoe re fumane mafutsana kaofela ao re ka a khonang. Tloo re thabise ntlu e 'ngoe le e 'ngoe e nyenyane, re fumane bana liaparo, re lefelle sekoloto sa ntlu, kapa re reke sebaka sena se senyane. Re ke ke ra e fosa. Didolara tse milione sekotoana, khele, tsoala ea eona, ho hlokomela boholo boo re neng re ka bo khona ka seo; ho e tsetela matseteng a matle kapa ho hong. Ebe joale re ne re tla etsa joang? Hoo ho ka itokela, hoo, ho se tsebise motho letho ka eona. Lipelo tsa rōna li ne li tla ikutloa li khotsofetse.

<sup>31</sup> Empa, joale, lilemong tse lekholo ho tloha kajeno, baena, ho tla nka mohlolo oa Molimo, haeba re tla be re phela lilemong tse lekholo ho tloha kajeno, le tseba seo. Joale, re tla be re le Bosafeleng. Didolara tse milione li ka thusa'ng, kapa ho fepa mafutsana hohle, le lintho tseo re li entseng? Le a bona? E ke ke ea thusa hakaalo. Hola ka fumana bilione, hoseng hona, e ka re thusa ka'ng hoba re tlohe?

<sup>32</sup> Empa e reng ke le bo bolelle ho hong. Ha re na chelete eo. U monna oa mofutsana; kaofela ha rona. Ke hantle. Re phela ka liabo tsa batho, joaloka bareri. Empa moena, koana Afrika, moshanyana a le mong e motšo ea bophahamo *bona*, kapa seotsoa se tsoang seterateng koana Louisville, moea o le mong o pholositsoeng; koana Bosafeleng, mohla naleli eo e phatsimang koana, lebitso la rona le tla phutheloa ho 'ona. Boleng ba hau ke boo. Ha se bokaalo boo u bo tšoereng, hore u lakatsa hakae. Ke hore u ka etsa hakae nqa ho pholosa meeaa bakeng sa Kreste Jesu. Chelete ea rona e tla fela.

<sup>33</sup> Ke bentšitse Ford eo ea khale. 'Me hoseng hona, holimo mono ka karacheng ho emisitsoe Cadillac eo ba mphileng eona. Empa ka le leng la matsatsi ana, Cadillac eo e tla itšoanelaa le Ford, ha e sa tla ba teng. Empa Modimo o tla lula a le teng. Empa, ha nka pholosa moea bakeng sa Kreste, moena, ha feela Bosafeleng bo le teng, khanya ea Molimo e tla lula holim'a moea oo.

<sup>34</sup> Joale, boleng ke eng, le hona? Ho thusa'ng, mohla 'metso oa hau o khakhatsang, 'me ngaka e bona ho futha ha mothapo ho nyoloha ka letsoho la hau? Chelete eohle le botumo bohole bo na le molemo ofe? Ha batho ba u phathatsa mokokotlong, kapa u fetoha motho e moholo, hoo ho u thusa ka eng? Le hanyenyane. E a nyamela, 'me e sala lefatšeng mona.

<sup>35</sup> Empa, moea o le mong o pholositsoeng, o tla bona lebitso la hau le phuthetsoe ka 'ona, mehleng eo naleli ea meso e ntseng e phatsima sebakeng. Kahoo, tloong re pholose meeaa, baena b'eso. E mong le e mong, lona bommalelapa, ha u a tlameha ho ba moreri; etsa ho hong tlotsisong ea Molimo. Hopolang, lintho tsa Bosafeleng ke tsona tse tšoarellang kamehla, 'me, hoo, ke ho pholosa meeaa. Ntho eo ebe ea pele, har'a mosebetsi oa hau 'ohle le mehopolo eohle ea hau le merero ea hau eohle.

<sup>36</sup> Maobane, ke ne ke eme, ke tšoere letsoso la 'mè, ke mo kopetse ka sephaka, 'me selelu sa hae se ntse se thothomela.

<sup>37</sup> 'Me moshanyana oa hae o ne a robetse mono, a e-shoa, a re, "Billy, ke—ke labalabetse 'me ka labalabela hore u khutlele tabernakeleng."

<sup>38</sup> Ka re, "Khaitseli Fergerson, ke—ke rata ho etsa joalo." A re... Ka re, "Be, sheba, khaitseli. Moo nka pholosang meeaa e ka bang mashome a mahlano, selemong, tabernakeleng, e ka ba chai ea selemo. Nka pholosa likete tse lekholo tsa bona naheng esele. U a bona?"

<sup>39</sup> Mohla ke kenang Khanyeng, ha ke batle ho... Molimo o ne o tla mpholosa. O se o mpholositse. Hoo ho phethehile. Empa taba ke hore, mohla ke fihang mono, ke batla ho qamaka 'me ke bone linaleli li phatsima. Amen. Ke—ke batla ho bona ntho e etsang ho hong ho itseng.

<sup>40</sup> Ha nka—ha nka shoa, 'me ke ne ke le monna ea phahameng, mopsidente joaloka Lincoln, kapa ntho e kang eo, ba ka haha, sehopotso se seholo; empa ka letsatsi le leng ha se sa ba tla ba teng. Empa moea o le mong o pholositsoeng, Khanyeng, lebitso la hau le tla phutheloa teng, ha feela Bosafeleng bo ntse bo tsoelapele.

Be, ha re rapeleng joale.

<sup>41</sup> Ntata rona ea Leholimong, re tla ho Uena ka boikokobetso hakaale, hoseng hona. Molimo, ke thabetse ha ke ile ka phaphamela, lilemong tse ka bang mashome a mabeli a metso e mehlano tse fetileng, ntsha ea hore—hore thabo ha e etsoe ke lintho tsa lefatše lena. E etsoa ke lintho tsa Bosafeleng, se re thabisang moeeng oa rona.

<sup>42</sup> 'Me ke leboha hakakang, hoseng hona, le ho U leboha, ka poloko ea Hau le ka mohau oa Hau, o ntumeletseng, Morena, ho bona meeaa e ka bang milione e khumama aletareng. Oho Modimo, tsatsi le leng le tlottlehang, mohla ke tšeelang mose

oane, ke tšepa ho ba bona bohole ba phatsima mono, joaloka linaleli. Baena ba ka mona, likhaitseli tsa ka, hoseng hona, e mong le e mong o ikutloa joalo. Ba ile ba nka seabo teng, Morena, ka lithapelo tsa bona le merapelo, le ka ho tiisetra ho Molimo; ho rapela, ho bua le ba bang, le ka ho bua hantle ka lintho tsa Molimo.

<sup>43</sup> 'Me re a tšepa, kajeno, Molimo, e mong ha a le teng ka mona a se moo a loketseng ho ba teng, kapa ba eso amohele Kreste kamoo ba neng ba loketse kateng, lena e be letsatsi leo qeto ea bona e sa shoeng, ea Bosafeleng e tla etsoa ka lona, ho U sebeletsa. Aba sena, Ntate.

<sup>44</sup> A Mokreste e mong le e mong, ka mona, pelo ea bona e chese ka ho bona, ho tsoela sebakeng se seng, meferong le mebileng, le ho kenya meea e timetseng, ho sa tsotelehe e ikokobelitse hakakang, ba ka tlisa moea o le mong o ka tlisang milione ka mor'a 'ona. Ha re tsebe seo re se etsang. Ka linako tse ling bommè bana ba banyenyane ba a ipotsa, Morena, empa le ka mohla ha ba tsebe seo ba buang ka sona, ha ba bua le motho e mocha, kapa motho ea holileng, kapa taba e malebana le moea oa bona. Aba sena, Morena.

<sup>45</sup> Joale ho kena Lentsoeng. Morena, uena U Lentsoeng. Le ho re fa tumelo ho phelisa Lentsoe le ho sebetsa, kajeno, maphelong a rona, ka hare ho botho ba rona. Hobane re e kopa ka Lebitso la Hae le bakeng sa tlotliso ea Hae. Amen.

<sup>46</sup> Ha ke kholoehantle haeba e ne e le Dwight Moody. Kea kholoa e ne e le eena, motei oa lieta oa Boston, ka letsatsi le leng... Mosali e monyenyane, litšiung tse qalang tsa Methodise, o ne a batlide ho etsetsa Morena ho hong. Kahoo, o ne a hlatsoa, 'me a boloka chelete ea hae, a fumana dolara le halofo, ke a kholoa, hore moreri oa khale a tle ho mo rerela. 'Me o ne a hirile setala sa lihlahiswa, ka kotara kapa ho hong, bakeng sa bosiu boo. A hloekisa setala, 'me a emisa e—e benche e nyenyane ea ho hlatsoetsa, e le aletare.

<sup>47</sup> 'Me ho le bontša kamoo e sa khabang kateng, ho lona bommalelapa, joale. Le a bona? U re, "Oh, Moena Branham, hola nka rera!" Ha u a tlameha. U mpa feela...U paki. U na le khahlamelo; bophelo ba hau.

<sup>48</sup> 'Me a nka mahlaselinyana, 'me a tsoela ka ntlesoung, a ntse a thaothela kopano, 'me a ntse aa aba. Enereha motho a le fumana, ba ne ba le lahlela koana. "Mohalaleli-mothethehi! Lehlanja!" Le ho tloha a ikela. Le a bona?

<sup>49</sup> Ho ile ha fihla moshanyana e monyenyane, oa borikhoe ba mashoabane. O ne a leketlisitse makrusepane a ntatae mahetleng a hae; moriri o lepeletse sefahlehong sa hae. Ho re, "Mofumahali, u ntse u aba eng?"

A re, "Pampitšana, mora." A mo nea eona, ka mokhoa *oo*. A e sheba, a re, "Ha ke khone ho bala."

A re, "Be, e re ho tla ba le kopano bosius bona, holimo mona." "Oh," a re, "na ho joalo? U ka tsotella ha nka tla?" Ho re, "U a batla na? U tlameha ho tla, moratuoa, ha u khona." "Ho lokile, ke tla etsa hoo."

<sup>50</sup> Bosius boo, ka mor'a maiteko 'ohle a hae, 'me a fokola. Moreri oa khale ea tsepehang a tla, a kena sefaleng 'me a rapela. O ile a bina sefela, eena le mofumahali, 'me a lula kantle har'a bamameli ba hae.

<sup>51</sup> Ka mora nakoana, ha thekesella monyako, ngoana ea maharaso, moriri o lepeletse sefahlehong sa hae. Le a tseba e ne e le mang? Dwight Moody. Bosius boo, a khumama aletareng; o rometse meea e milione ho Molimo. Le a bona? Ha u tsebe seo u se etsang.

Bua lentsoenyana bakeng sa Jesu  
 Paka, bina, kapa u rapele,  
 'Me joaloka bohobe holim'a metsi  
 Bo tla khutlela ho uena letsatsi le leng.

<sup>52</sup> Ke hantle. Ho lokile. Hopola feela, se hlolehe, se hlolehe; hapa meeaa e itseng! Eng kapa eng eo le e etsang, le hape meeaa. Ke-ke thabela ho bona batho ba rona mona, hoseng hona, ho se le ea mong oa bona ea futsanehileng, kamoo ke tsebang; bohle ba apere liaparo tse ntle, 'me le hloekile; batho ba shebahalang ba hlalefile. Ke leboha Molimo haholo, ho tseba hore le ka tsela eo.

<sup>53</sup> Ke tile mona, metsoalle, khetlo le leng, mehleng ea sekoboto, ke rera ka liofarolo. 'Me u ne u tsamaea limaele, ka mona, le ho haola naha, 'me o sa je ho lekana. 'Me ke a tseba. Ke hantle. Kea e hopola. Molimo o re hlohonolofalitse, 'me re motlotlo ho Eena, le a bona.

<sup>54</sup> Empa hoseng hona, le a bona, kamoo le shebahalang le fapane hoseng hona, ke leboha hoo, empa le ka mohla le se lumelle seo ho le thibela. Hopolang moo e tsoang teng, e tsoa holimo. 'Me, hapa moea, Mono seo se tla hlola kamehla. 'Me mohlomong kabelo e kholo ea hau e na le ak'haontenyana ea banka kae-kae. Ke thabela seo, 'me Molimo o hlohonolofatse seo ka moeno. Empa le ke la lumella seo ho le sitisa ho hapa moea. Ke hantle. Beha meeaa tulong e kapele.

<sup>55</sup> Joale ke ne ke nahana hore mohlomong . . . Ke botsitse Moena Neville. Kapa, u se na thuto e ikhethileng ea sekolo sa Sontaha, re tle re rute ho tsoa hohle, le kae-kae Bibeleng. 'Me ka nahana ka ho ruta, hoseng hona, ha ke ntse ke theoha, pele ke kena ka phaposing, mabapi, ka Buka ea Tšenolo.

<sup>56</sup> Eaba ke hopola hore lenaneo la seea-le-moea le tsoeletse e—e letoto la Buka ea Tšenolo. Charles Fuller, ha ke nahana, o ntse a tšoarane le e—e buka. 'Me Moena Fuller ke motho ea rutang

ka lipapiso, ka bo-eena. 'Me ka tšaba hore re ka tloha re thulana tabeng eo, 'me le se le utloile tse ling tsa eona.

<sup>57</sup> Ka hona, ha ho le joalo, ka hopola re ka ea koana Bukeng ea Baheberu. Ke e ntle... Ba bakae ba ratang Buka ea Baheberu? Oh, ke e kholo... A re feteleng nka re khaolong ea 10. Ke hopola e le khaolo e ntle. Ha ke tsebe haeba nkile ka ruta ka eona, empa mohlomong nkile, mona, karolo ea eona. Ka tloaelo ke ho fumana litemana tse peli kapa tse tharo, ebe ho felile, re ntso qala ka kahar'a Bibebe.

<sup>58</sup> Ua tseba, ka nako e 'ngoe, ha ke kena phomolong, ke lapetse ho kena ho e 'ngoe hape, moo nka lulang tabernakeleng, kapa kae-kae mona, le ho nka letoto la thuto feela, joaloka ha re ne re tloaetse ho nka Bibebe. Joalo feela ka Bukeng e itseng, ho ea feela, ho e phophotha feela morao le pele Mangolong tjena. E a hloma 'me thea Tumelo ea rona. Lithuto tsena li etselitsoe hoo, ke ho thea Tumelo ea rona.

<sup>59</sup> Joale, khaolong ea 10 ea Baheberu. Ha ke tsebe hobaneng, ha ntse ke lutse ka mono feela, ke phetlile ho eona feela. 'Me re batla ho bala ho tsoa mona, bakeng sa thutonyana, le ho e ruta. Haeba re ka fihla tlase mona, ho fumana re kile ra kena ho eona pele, ke moo ke tlang ho... re tla fetela nthong e 'ngoe, kapa mohlomong Morena o tla re tataisetsa nthong e 'ngoe.

<sup>60</sup> Joale le se ke la lebala tšebeletso bosiung bona tabernakeleng mona. Moena o tla be a bua le rona bosiung bona. 'Me haeba u na le metsoalle e haufi le New Albany tlase mono, koana ha Moena Matheny, re tla bua mono nakoana bosiung bona. 'Me e ntso ba Laboraro bosiu.

<sup>61</sup> 'Me Moena Junior Jackson, ke mo utloile a re "amen" nakoana e fetileng, empa ha ke eso khone ho mo fumana. 'Me o ka mohahong. 'Me ea hae e Labone bosiu, 'me—'me ke lumela a na le Sontaha bosiu. U hokae, Junior? Ha ke khone ho u supa. Oh, ha ho makatse; u lutse ka mor'a thakahali leo morao mono. Uena... Eng... Tšebeletso ea hau ka Labohla... Sontaha bosiu, hape, ho joalo, Junior? [Moena Jackson o re, "Ke hantle."—Mohl] Labone le Sontaha. Ho lokile. 'Me litšebeletso tsa hae li bosiung bona, 'me o kantle State Street, New Albany. State le ["Monroe."] Monroe.

<sup>62</sup> Moena Genther, u a bona ke qetetse khale ho bala limithara, kapa ho lokisa littšebeletso life. Ke lebetse literata tsohle. Empa ho na le... Ke sa ntse ke rata eena Morena Jesu ea bileng le rona mohlang oo, mohla a neng a nthusa mehleng eo.

<sup>63</sup> Ke ne ke bolella moena, nakoana e fetileng. Ke ne ke tloaetse ho theohela mehleng ha ke ne ke bala limithara, le ho ke kokota monyako. Ho bala metara, le ho ntša Bibebe ea ka le ho bala nakoana, pele leleiti le fihla monyako, ntho e kang eo. Le ho fumana moahonyana oa khale o lephaka. Ehlide, u ke ke ua o fumana hona joale, moo motho a falletseng. Ho kena ka mono,

le ho khutlela ka har'a moliko le ho khumama fatše u rapele. Ho ne ho etsoa hoo, ke eona ntho e theileng hoo mono, ho talima ho Eena.

<sup>64</sup> Joale, Buka ea Baheberu e—e khetholla lipakeng tsa molao le mohau. Ba bakae ba tsebang hore re phela ka mohau, e seng ka molao? Ke lumela mongoli... Ha ho motho ea tsebang hantle. Empa e tšoana haholo le Pauluse, ho fihlela ke e bitsa mongolo oa Pauluse. 'Me o ne a bua le Baheberu.

<sup>65</sup> Joale, Evangelie ne e se e ile ho Balichaba, hoba Bajuda ba ne ba E latotse. 'Me ba ne ba ile ho Balichaba ka Evangelie. 'Me joale Pauluse o ne a ngolla Baheberu, hobane bongata ba bona ba ne ba batla ho khutlela tlas'a molao, ho boloka molao, 'me u ntse u lumela ho Kreste.

<sup>66</sup> 'Me, le a tseba, seo se sa le teng le kajeno. Batho ba teng kajeno ba lekang ho boloka molao oa Testamente ea Khale, 'me e ntse e le Bakreste, athe e 'ngoe e hanana le e 'ngoe haholo. Haeba u phethisa karolo e 'ngoe ea molao, u tlameha ho o phethisa kaofela. "U molato," Bibele e rialo, "ho phetha molao 'ohle," kahoo, haeba u etsa karolo ea 'ona. 'Me, joale, ha le boloka molao, joaloka sehlabelo, le lisabatha, le litšoanelo, le lijo, le litlhatsuo, joalo-joalo, tlas'a molao.

<sup>67</sup> Empa ha re tlas'a molao joale. Re tlas'a mohau. 'Me Pauluse o leka ho bontša moo molao e neng e le seriti. Joale, tšimolohong, mona re bona seo.

*Hobane molao ke seriti sa lintho tse molemo tse tlang  
ho tla, 'me e seng setšoantšo tsona tsa lintho, le ka  
mohla li ke ke tsa khona ka mahlabelo ao ba a nyehelang  
selemo le selemo ho phethisisa ea tlang.*

<sup>68</sup> Oh, khili! Na hoo ho ke ke ha etsa thero hona moo? Le a bona? Le a bona? Joale, molao e ne e le seriti sa lintho tse tlang ho tla.

<sup>69</sup> Ha re feteleng ka mona, motsotsso feela. Phetlang le 'na morao ho... Ke lumela e le khaolo ea 12 ea Tšenolo. Ha re feteleng tabeng eo nakoana, re boneng haeba re ke ke ra fumana lethoana le molemo feela mona, le ho qala, ho nahana ka "seriti." Joale ha re—ha re baleng hape, joale, lona ka Bibele tsa lona.

*'Me eaba ho hlaha mohlolo o moholo leholimong;  
mosali...*

<sup>70</sup> Mosali o bapisa'ng ka Bibeleng? Kereke.

... mosali ea apereng letsatsi, (e ne e le seaparo sa hae seo a neng a se apere, le a bona), 'me khoeli e le katlasa maoto a hae, 'me hloohong ea hae moqhaka le linaleli tse leshome le metso e 'meli:

*'Me e ne e le moimana a fehelo, a le bohlokong ba  
pelehi, 'me a le bohlokong ba ho beleha.*

<sup>71</sup> Hlokomelang, mosali o hlahile maholimong, e—e ponong ea Johanne mosenoli. 'Me eona . . . O ne a apere letsatsi. 'Me khoeli e ne e le tlas'a maoto a hae. 'Me moqhaka oa hae o ne o e-na le linaleli tse leshome le metso e 'meli.

<sup>72</sup> Joale papiso eo e etsa'ng? Lipono ke lipapiso. Joale, mosali ke kereke. 'Me kereke e ne e . . . Khoeli e ne e le tlas'a maoto a hae. Ka mantsoe a mang, e ne e ntse e chabile, feela o ne a le holim'a eona. Hobane, o ne a le makhatheng a ho beleha ngoana. O ne a le bohlokong ba pelehi. 'Me khoeli e ne e feta, 'me letsatsi le ne le chaba. Joale, khoeli ke . . .

<sup>73</sup> Ebe ngoeli e hlahisoa ke'ng, ke letsatsi le e chabelang. Ke seriti sa letsatsi feela. 'Me, ka hona, khoeli e ne e phetse e qetile letsatsi la eona, 'me letsatsi le ne le chaba. Mosali o ne a sa apara khoeli. O ne a apere letsatsi; e ne e le kereke ea Evangelie e hlahang. Kereke ea khale ea Molao . . .

Joale, u re, "Be, na e ne e le kereke ea Molao eo?" E.

<sup>74</sup> Jesu o tlide pele ho Mojuda, e seng Molichaba. Le a bona? Eena, O laetse barutuo ba Hae ho se ee ho Molichaba ofe feela. A re, "O tlide ho ba Habo, 'me ba Habo ha ba ka ba Mo amohela." Eng? O boletse, joaloka ha A ba laetse, khaolong ea 10 ea Santa Mattheu. A re, "Le se ke la ea ka tsela ea Balichaba, le mpe le ee ho linku tsa Iseraele tse lahlehileng. 'Me ha le ntse le ea, le bolele, le re, 'Muso oa Lehholimo o atametse." Le a bona? "Le se ke la ea ka litsela tsa motse oa Samaria, kapa leha e le efe ea tsela lisele, le mpe le ee pele linkung tsa Iseraele tse lahlehileng."

<sup>75</sup> Ke ka lebaka leo leseli le tlottlehang la letsatsi le neng le chabile le teetse mosali hare. 'Me eena, bohlokong, a beleha, ho tsoala Ngoana enoa.

*'Me a tsoala ngoana e motona, ea tla alosa lichaba tsohle ka lere la tšepe: . . .*

*. . . 'me drakone ea ema pel'a mosali e neng e le (Roma) ho metsa eena ngoana hang hoba a tsoaloe.*

<sup>76</sup> 'Me ehlile Roma e ile ea hlorisa Ngoana eo. Ba ile ba romela 'me ba bolaea bana bohole, ho qala ka ba lilemo tse peli ho ea holimo . . . kapa, ba lilemo li peli ho ea tlase, ke rialo, hore ba tle ba bolaee Kreste, 'me ba Mo tšoare ka mono. Heroda o entse taba ena.

*. . . empa ngoana oa mosali a nkela ho Molimo, . . .*

<sup>77</sup> Ho tloha tsohong ea bafu, "o ile a nkela holimo ho Molimo, le ho lula letsohong le letona la Molimo." Joale, taba eo e ka thefula thuto eohle ea "ngoana e motona" ha ke re, na e ke ke? Le a bona?

<sup>78</sup> Empa joale, "Molao," Baheberu 10 hape, "e leng seriti sa lintho tse tlang ho tla," 'me e seng sona setšoantšo, empa e le seriti.

<sup>79</sup> Joale, bosiung bo bong, ke ne ke qoqa le motho ea khabane haholo, ka thuto ea Lilemo tse Sekete. Ka re, “Ke lumela ho Lilemo tse Sekete, hobane liriti tsa Testamente ea Khale li ngata tse buang ka hore ho tla ba le Lilemo tse Sekete. E tlameha ho ba teng. Liriti li ngata haholo!”

Ba itse, “Na Kereke e tla feta Matšoenyehong?”

<sup>80</sup> Ka re, “Che. Kereke e ke ke ea feta Matšoenyehong, E lokela ho falla pele ho Matšoenyeho. Liriti li ngata haholo!” Shebang, ho re, Nohe, tšimolohong, Nohe . . . “Testamente ea Khale eohle, molao ’ohle, joale, e ne e le seriti sa lintho tse molemo tse tlang ho tla.”

<sup>81</sup> Joale, pele ho lekhathe la matšoenyeho, pele, Henoke, eena . . . Nohe, Nohe e ne e le papiso e tšelisitsoeng, joaloka moroetsana ea robetseng, empa Henoke o fetotsoe pejana feela matšoenyeho a fihla. “Me Henoke a nkeloa holimo, ’me ha a ka a fumanoa, kahobane Molimo o ne a mo nkile,” papiso ea Kereke e tlohang. ‘Me Nohe o ile a mo beha leihlo. Eitseha a bona Henoke a falla, a tseba hoba e ne e le nako ea ho kena arekeng, ho fetisoa har’ a matšoenyeho.

<sup>82</sup> Bibebe e boletse, “Ho ne ho le baroetsana ba leshome ba tsoileng ho khahlanyetsa Monyali; ba bahlano ba le bohlale, athe ba bahlano e le maoatla. ‘Me bohole e ne e le baroetsana, e mong le e mong oa bona. Empa ba bahlano ba le bohlale, ’me ba tšetse Oli leboneng la bona. ‘Me ba tsoile ho khahlanyetsa Monyali. ‘Me Monyali a fihla, ’me ha kena ba nang le Oli.” Le a bona, phetolelo, e tsamaea le Monyali.

<sup>83</sup> Empa bao ba setseng, ba tlide ’me ba batla ho kena, le bona. Joaloka ba tlileng ba kokota monyako oa areka, “Nohe, re bulele re kene,” empa Molimo oa koala monyako.

<sup>84</sup> ‘Me, oh, motsoalle oa ka, ka le leng la matsatsi ana, Molimo o tla u hlabela pitso ea ho qetela. Ke moo monyako o tla koaloa, lipakeng tsa mohau le kahlololo. U se ke ua sala kantle. Kena hona joale u sa khona. U se tsotelle seo lefatše le se buang. Kena ka ho Kreste. “Hoba ba leng ho Kreste Molimo o tla ba hlahisa le Eena.” Le a bona?

Eaba, moroetsana enoa ea bohlale o a falla, phetolelong.

<sup>85</sup> ‘Me bana ba bang ba tlileng ba kokota monyako, ho etsahetse’ng? Ho etsahetse’ng? Bibebe e boletse, “Ba lahleloa lefifing le kantle, moo ho neng ho le lillo le liboko le litsikitlano tsa meno.”

<sup>86</sup> Iseraele, mohla lekhathe la matšoenyeho le le neng le otla Egepeta, ha ho le ntho e le ’ngoe e kileng ea otla Egepeta . . . Baiseraele, hobane ba ne ba le sebakeng se lokisitsoeng sa Molimo, Goshene. Ha ho matšoenyeho ho hang. Le a bona? Ba bang bohole ba ne ba kene matšoenyehong, empa e sang enoa.

<sup>87</sup> Joale, lintho tseo tsohle ke liriti, li loketse ho bapisa se seng. 'Me hape ha re bona ho tla ha Morena, re bona kamoo batho ba tsamaileng matsatsing ao, le ho bona kamoo batho ba ileng ba fetoha kateng. "Baithati, ba ikakasi, ba ratang menate ea nama ho feta ho rata Molimo." Le kajeno ho joalo. Batho ba tsamaea ka litakatso tsa bona tsa bokhopo. E fetohile ntho... Tšoareleng litlhahiso tsena, likhaiseli tsa ka. Empa ho fihlile, ho fihlela, boitšoaro ba mannate e batla e le ntho ea khaleng, har'a batho ba rona.

<sup>88</sup> Maobane, Kokelog ea Saint Edwards, ke utloile ngaka e khahlapetsa ngoanana morao mane. O ile a nyoloha ka litepisi moo nka mo tsukutlang ka letsoho, bohle ka kokelong ba mametse, ba shebile. Ngoanana a le teng morao mono, a apere tse ling tsa liphahlo tsena tsa khale tse khopo, marikhoana a kaholim'a mangole.

<sup>89</sup> Na le tseba seo Bibele e se buang ka taba eo? O re, "Ke manyala mahlong a Molimo, ha mosali a apara borikhoe joaloka monna." Hantle.

<sup>90</sup> 'Me e ne e le eo, a tsama-... Ngaka e itse... Mothoana, oa seqhoala. Kea mo tseba, empa lebitso la hae le a nkhaka. A re, "U batla ho mpolella hore khaitseli o u tloheletse ho kena kokelong joalo?" Ho re, "Khele, u sekhobo kokelong. Tsoa mona."

Ka re, "Moshanyana, ke batla ho mo tsukutla ka letsoho." Ruri.

<sup>91</sup> Ho re, "U fetile joang kapele? Ha u hlajoe ke lihlong, ho kena mona u apere joalo?"

<sup>92</sup> Ka nahana, "Oh, moena, ke hantle." Ke tsota monna ea sebete se lekaneng ho bitsa botle "botle," le phoso "phoso," ho sa tsotelehe na ke mang. Le a bona? Empa, ntho ea boitlhompho, oh, na nka...

<sup>93</sup> Le tla ntšoarela, ha ke re? Ke batla ho ema mona motsotsotso feela. Joale, kea batla, nka otlolla lethoana lena hanyenyane feela, motsoalle oa ka ea ratoang. Le se hopole Moena Branham a leka ho khohlalahala. Ha ke joalo. Ke leka ho bolela 'nete feela. 'Me seo ke se tsebang, koana Khanyeng, ka tsatsi le leng, ha nka bona bophelo ba hau bo hlekemane, 'me ke itseba ke ne ke le sesosa sa eona, le ho tseba 'Nete 'me ke sa E bolela. Che, ke tla e tlosa mahetleng a ka, ho e bea ho a lona. U ka etsa qeto ea hau.

<sup>94</sup> Basali ba rona ba aparang joalo, ba na le moea o mobe. Le a bona? Ntho e 'ngoe feela ka har'a Lengolo e entseng hoo le ka mohla. E ne e le liabolosi, ea hlobolisitseng batho. Shebang. Joale, ha ke re boitšoaro ba hau bo bobe; ha ke rialo, khaitseli ea ka e ratehang. Empa u ntse u khema le temalo ea letsatsi lena, ka mokhoa, ho fihlela u mpa feela... U nahana hore e ntle hobane ba bang ba e etsa, 'me ha u lemohe hore ke liabolosi ea etsang

hoo. Ehlide, ke eona. Ha u a tuma. U a hlanya. Tšoarela tlhahiso eo. Be, ke hantle. Ke bolela, u e pshatlela hole le Molimo.

<sup>95</sup> Oh, Moea o Halalelang oa Molimo, ha o ka ke oa mamella motho kamehla. "Ha o rate hore mang a ka timela, empa e le hore bohle ba finyelle pakong." 'Me Molimo o re fe sebete, letsatsing leo mohla bareri... Moo e qalileng teng ke mona, ke hobane molisa oa lona, kalaneng, o a e mamella. Ke hantle. U loketse ho khaoloa. Holane ke e-na le kereke, 'me basali ba etsa hoo ka kerekeng, ba ne ba tla hlakoloa bukeng ea kereke hang-hang. E, monghali. Hantle mono, pele u otollooa, ho qala ka nepo. Molimo o ba jarisa boikarabelo. Empa, kajeno...

<sup>96</sup> Ke ile ka tsoa ka ea Santa Joseph. Ke arabela limemo tsena tsa kokelo khafetsa, maemo ana a tšohanyetso. Ho tsoela mono ho bona leseanyana, le shoang, mofetše... kapa maemo a liphio; le ne le ntšitsoe phio e 'ngoe, le le matsatsi a mabeli kapa a mararo feela. Le kamoo mothoana eo oa batho... 'Me teng ka eellooa, ka har'a kokelo ea Katolike, ka mosa le ka mohau o mokaalo.

<sup>97</sup> Ke ea kokelong ea Protestanta. Mosali o ne a eshoa, 'me ka tloha ho beha matsoho. Moruti, o ne a eme mono, ho re... 'Me ka mo tsebisa hore bolumeli ba ka bo tšoana le ba hae. A re, "Huh! Naw! U se ke, u se ke, u se ke! U se ke oa etsa seo. U se ke ua mo beha letsoho."

Ka re, "Bibebe e boletse."

<sup>98</sup> "Ah, tsoa!" A re, "Linthro tseo ha li a loka. Che, ka mona ha re batle ha u bea motho ea kulang matsoho." Na le bona kamoo ho leng kateng?

<sup>99</sup> 'Me ke ka lebaka leo kereke ea Katolike e ba metsang, ka likete. Ke hantle. Hobane, Protestanta ha e-so tebe ho lekana ho Molimo ho fumana boiphihlelo, ho tseba seo pholoho ea mannete, ea sekhaleng, e amang pelo, Matla a Molimo, e leng eona. Ke seo sehlopha sa lona se mahareng. 'Me sehlopha sa lona se tletseng ke seo, se emetse ho Tla ha Morena. Amen. Ke lona bao.

<sup>100</sup> Hlokamelang, "Molao ke seriti." Linthro tsena tsohle tseo re li bonang joale ke seriti, e ne e le liriti, 'me joale li fetoha sona sebele. Joaloka sefate se nyolohang, 'me se fetoha lekala; se ntoo kena ho peo, ho hlahisa mofuta o tšoanang le oa peo e keneng mobung. Linthro tsena tsohle li tsoa ho Genese. 'Me, kajeno, joale...

<sup>101</sup> "Empa barapeli bana, ba neng ba lutse tlas'a seriti, ba ne ba ke ke ba phetheha." Tloo re luleng holim'a lentsoe leo mono.

...ba ne ba nyehela selemo ka morao ho selemo ho phethisisa morapeli.

<sup>102</sup> Ke batla hore lona joale . . . Na ha le eso utloe, khafetsa, batho ba re, “Oh, ha ho mang ea phethahetseng”? Ke hantle, u ke ke ua phetheha mahlong a motho mohaeno.

<sup>103</sup> Empa u tlameha ho phetheha, ho seng joalo u ke ke ua ea Lehelimong le ka mohla. Hantle. Bibebe e boletse, Jesu o a bua, thutong ea mahlohonolo, Mattheu; ho re, “Phethehang, joaloka ha Ntata lona ea Lehelimong a phethehile.” Ka hona, u tlameha ho phetheha joaloka ha Molimo o phethehile, ho seng joalo u lahlehile. Joale ebe u tla e etsa joang? Le a bona?

<sup>104</sup> Joale, phosonyana e le ‘ngoe, ‘me o lahlehile; sepha se le seng, ‘me ho felile ka uena; hobane ho se letho le ka kenang Libakeng tseo empa “phetheho.” Molimo o no o beile Satane holimo Mono, khetlo le leng, joaloka Lengeloi, lona e le Mora oa Mafube, ‘me a nka lintho tse molemo tsa Molimo, ‘me a li sokamisetsa bobeng. Molimo o tible hore ho se be letho le tla kena Mono le tla e etsa hape. Le a bona?

<sup>105</sup> Joale, u tlameha ho phetheha. Jesu o itse, “Phethehang, joaloka Ntata lōna ea Maholimōng a phethehile.” Joale, u tla khona joang, athe ha u phetse ho etsa sebe, athe ha u phetse ho etsa phoso? Joale, taba ena e tla batla e jesa boramolao mothinya, empa, hlokamelang. Ha se seo u se etsang; ke seo Molimo o se entseng. Ha se seo u se etsang; ke seo A se entseng. Le a bona? U ke ke ua phetheha; u ke ke ua khona, ka bo-uena. Empa, ka ho Kreste, u a phethisisoa. Ha u tšepe mesebetsi ea hau e molemo, kapa kereke eo u leng setho sa eona, empa u tsepile Mali a t̄s̄olsoeng a Morena Jesu. Ke moo. Ke sona se u phethisisang. Ke sona se ankorang tumelo ea hau.

<sup>106</sup> Hape, holim'a pholiso ea Khalalelo, ka eona tsela eo. Ha ke tšepe kamoo ke ikutloang kateng. Holane ka etsa joalo, nka be ke le liphateng, hoseng hona. Empa ke tsepile mosebetsi oa Hae o qetiloeng. O boletse; O e tsepisitse; ke a e lumela. Le a bona? Ke eona. “Phethehang ke hona.”

<sup>107</sup> Joale, oh, tloong re fapohele hanyenyane lehlakoreng le le leng, ntho e ‘ngoe e thethehile e kena pelong ea ka. Ereng ke le botse ho hong. Re phela tsatsing la kahlolo joale, e seng Kahlolo e kholo, empa ho biletsoa ha Kereke kantle. Le a e lumela? Re phela mehleng ea khethollo. Ho na le e—e motho ea malimabe, e—e khethollo ea ‘mala e lekang ho hlaha naheng. Boo ke bosaoana. Empa ho na le nako ea sebele ea karohano; se nepahetseng ho tsoa ho se fosahetseng. Molimo o arola batho ba Hae, o ba bitsa. Na le a tseba, lona lentsoe *kereke* le bolela “e khetholotsoeng; e bitsitsoeng; e arohantsoeng”? Amen. “Tsoang har'a bona,” Bibebe e rialo, “le se ke la nka kabelo sebeng sa bona le lit̄sileng tsa bona, ‘me Ke tla le amohela ho ‘Na. ‘Me le tla ba bara le barali ba Ka, ‘me ‘Na ke tla ba Molimo ho lona. Tsoang!” Ke nako ea karohano. “Me haholo ha le bona letsatsi lena le ntse le atamela.”

<sup>108</sup> Kereke e kileng ea leka ho tsamaea, ba ile ba iketsetsa bolumeli, 'me joale ba kene pherekonong e le 'ngoe e kholo e phelang selefatše. Le a bona, joalokaha Bibele e ba boletse ba entse Testamenteng ea Khale, le bona ba entse joalo, bongata ba bona. Molimo o ile oa ba biletsha kantle, oa ba bontša mehlolo le meeka, 'me moloko 'ohle oa timela lefelleng; hoba ba bone mehlolo, ka mor'a hoba Molimo o etse mehlolo ho bona, ka mor'a hoba ba bone khanya ea Molimo. Empa, ka lipelong tsa bona, e ne e le bomosalumele, ba korotlelang Molimo, balumalumi. Molimo oa re feela, "Ikhethe, Moshe." 'Me A qala moloko o mocha, ho ba tšelisetsa lefatšeng la pallo.

<sup>109</sup> Hlokometlang. Bakreste ba bakae ka mona hoseng hona? Na le ka phahamisa matsoho a lona, phahamisa matsoho a hau feela, "Ke Mokreste." Ho bokoe Molimo, haele moo u le Mokreste. Ho tlide joang hore u be Bakresteng? Hobane u itse, "Ke—ke batla ho ba Mokreste"? Hobane u batlile Molimo, ka meokho? Hobane Molimo, ka mohau, o le bitsitse. Ke hantle. Hase kahobane u Mo batlile; hobane O batlile uena.

<sup>110</sup> Joale, ha u ka hlokomela, ka lehlakoreng la Baptise, kapa Presbeteriene, tumelo ea Arminian, bohole ba fetoha peo. Ba re, "Be, haeba Molimo o mpitsitse, alleluia, joale ke itoketse. Ke tla etsa seo ke se batlang." Hoo ho u supa u se na eona, 'me u ne u sa bitsoa. Ke hantle. Haeba Molimo a u bitsitse, u tla Mo rata ka borapeli, lintho tsa lefatše li tla be li shoele ho uena. Ke hantle.

<sup>111</sup> Thaka le lecha le lutseng morao mono le ntse le hatisa joale. O mpotsitse, ha a kena, e leng ea ka . . . e mong oa baena ba ka, Mongh. Mercier. 'Me o nka likhatiso tsa Melaetsa likopanong, le molekane oa hae; Leo le—le Gene, morao mona. Leo a re ho 'na, ha a kena hoseng hona, a re, "Moena Branham, ho ttileng pele ke hofe; tumelo e hlahisa lerato, kapa lerato le hlahisa tumelo?"

<sup>112</sup> Ka re, "Lerato le hlahisa tumelo. E seng tumelo, lerato. U tlameha ho rata, pele, pele u ka ba le tumelo."

<sup>113</sup> Ka hona, haeba u ipolela tumelo, 'me u sa rate Molimo ka khalalelo, tumelo ea hau ke lefeela. U a bona? U tlameha ho rata Molimo. Ka hona, u ka ingolisa likerekeng tsohle tsa nahah, ho etsa eng le eng eo u e batlang, ho etsa boipolelo bohole boo u bo batlang; empa ha lerato la makhonthe le le sieo, la sebele, Moea o Halalelang, le tsoetsoeng labobelil pelong ea hau bakeng sa Molimo, tumelo ea hau ke lefeela. Ho sa tsottelehe hore u ipolela u lumela Molimo hakae, ha e amane le eona ka letho. E tlameha ho tsoalloa pelong ea motho, ebe moo u fumanang Bophelo Bosafeleng, o ke ke oa arohana le Molimo le ka mohla.

<sup>114</sup> Joale, hola re ne re e-na le nako, ka ho bona bongata ba lona le sa tšoera Libibele, empa koana Bukeng ea Tšenolo. Mamelang joale. Apara kepisi ea hau ea monahano, 'me u bule pelo ea hau. Ke batla ho bua se seng mona joale. Ke batla hore le mamele ka hloko, Moea o Halalelang o sa le haufi.

<sup>115</sup> Bibele e boletse, ho Tšenolo, ho re, antikreste o tla tla tsatsing la ho qetela, le hore o tla be a khohlahetse hakaale. 'Me koana ho Santa Mattheu, hape, khaolong ea 24, Jesu a bua, a re, "Mohla antikreste a tlang, hore o—o ne a tla atamela hona, joaloka mosebetsi oa sebele oa Molimo, hoo a ka thetsang le bona Bakhethoa hola ke ntho e ka etsoang." Shebang, "Thetsa le bona Bakhethoa . . ."

<sup>116</sup> Eona "Khetho," e tsoa kae? Ho tsoa ho lentsoe "Mokhethoa." "O ne a ka thetsa le bona Bakhethoa hola ke ntho e ka etsoang." Le a bona? Empa ha ho joalo. Ho bokoe Molimo ka seo! Ha e khonehe.

<sup>117</sup> Joaloka koana ho Baheberu, khaolo ea 6, O itse, "Hoba hase ntho e ka etsoang ho bao ba kileng ba bonesetsoa, 'me ba fuoe kabelo ho Moea o Halalelang, 'me ba latsoitse lineo tsa leholimo, le matla a lefatše le tlang ho tla, bao ha ba ka oa ho inchafaletsa pakong." Hase ntho e ka etsoang. E ke ke ea etsoa. Ke hantle. E ke ke ea etsisoa. E ke ke ea lekisoa ka boetsisi. Batho ba ka itšoara eka hoja ke *hore-le-hore*, 'me ba ka faposoa ke nthoana e 'ngoe le e 'ngoe e nyenyane.

<sup>118</sup> Empa motho ea kileng a tsoaloa ke Moea oa Molimo le ka mohla, tsela ea hae—tsela ea hae e tsepamisitsoe ho Naleli ea Leboea. Alleluia! 'Me lihele tsohle li ke ke tsa mo sisinya le ka mohla. Ke hantle. Ha ke re a ke ke a etsa liphoso. Ha ke re a ke ke a thella 'me a oa. Ke hantle. Empa hang feela ha a ka tsepamissa maoto a hae hape, mahlo a hae a tsepama ho Naleli koana, 'me o tsoela pele. Ehlide. "Mokhethoa!"

<sup>119</sup> Joale, Bibele e boletse, 'me ke a tseba leo ke Lentsoe la Molimo o phelang. Bibele e boletse sena. Mamelang joale. Le a bona? "Me sebata, le moporofeta oa bohata," m-o-p-o-r-o-f-e-t-a, bonngoeng. "Me sebata," matla. Botrintase ba lihele; joaloka botrintase ba Molimo. Joale hlokomelang.

'Me a baka bohle, ba banyenyane...ba baholo,  
ea ruileng kapa ea futsanehileng, lekhoba kapa ea  
lokolohileng, (e motona kapa e motšeali, monna kapa  
mosali, ngoana kapa mang) . . .

. . . a baka bohle, ba banyenyane le ba baholo...ba  
amohele letšoao...phatla tsa bona, 'me ba tiiselelitsoe  
'musong oa lefifi.

<sup>120</sup> Joale ho na le matšoao a mabeli a tsoeletseng kajeno. 'Me ha u tsebe mohla nako feela... Oh, moena, taba ena e thophothele botebong. Ha u tsebe mohla nako, eo uena ea lutseng moeling kajeno, o tla etsa qeto ea hau ea ho qetela. Ke hantle. U ke ke oa tenyetseha halelele haholo. "Moea oa Ka o ke ke oa mamella motho kamehla." Ka hona, u ka tetemana nakoana. Empa, "Moea oa Ka o ke ke oa mamella motho kamehla," u ntse u lutse moeling.

<sup>121</sup> Hlokamelang, letšoao la sebata ke letšoao la bokoenehi, liabolosi, mesebetsi ea liabolosi. Jesu o itse, “Ka lengolo la kereke ea bona”? [Phutheho e re, “Che.”—Mohl.] “Ka thutabomolimo ea bona”? [“Che.”] “Ka boiphihlelo ba bona ba seminari”? [“Che.”] “Le tla ba tseba ka *tholoana* ea bona.”

<sup>122</sup> Joale, *tholoana* tsa Moea o Halalelang ke lerato, thabo, khotsa, mamello, molemo, mosa, tiisetso, bonolo. Eo ke *tholoana* ea Moea. ’Me, *tholoana*, leo ke letšoao la Moea o Halalelang, ho supa hobane lerato le Mokhethoa le ankorile pelong, ’me lintho tsa lefatše li shoele.

<sup>123</sup> Joale, letšoao la liabolosi, ke boetsisi; mesebetsi, e seng mohau. Mesebetsi ke seriti sa lintho tse tlang ho tla; boikaketsi, ho kena kereke, ho iketsa Mokreste; ho phela joaloka lefatše, ho sikara joko le lefatše, ho tsoa le ho itšoara se-lefatše. “Le ho bapa hakaale,” ho fihlela mahlakore a mabeli a batla a tšoana hantle, “ho ka thetsang le bona Bakhethoa . . .” Leloko la kereke ke lena, le ea kerekeng ka mehla; motho ea khabane haholo, o ea kerekeng; motho ea lokileng, oa mekhoa e metle. Empa, koana, tlase matebong a letheka la hae, ha ho mohla boiphihlelo ba Jesu bo kileng ba aha.

<sup>124</sup> Shebang Esau le Jakobo. Khele, Esau o ne a lokile habeli ho feta Jakobo. Ehlide, o ne a le joalo. Empa, Jakobo o ne a e-na le ntho e le ’ngoe, “O ne a lebeletse moputso o lekanang.” O bone tokelo eo ea boholo, ’me o e balile e le ntho e kholohali lefatšeng.

<sup>125</sup> ’Me, kajeno, re leka ho bala ho ea kerekeng, ho utloa Ngk. *Sekete-kete* kapa Moena *Sekete-kete* a bua, ho etsa lintho tse kang tseo, kapa ho ingolisa kerekeng e khabane ea sehlopha se setle, tsoseletso e ntle. Hoo re ho bitsa ho etsa ntho e itseng e molemo. Ha se eona.

<sup>126</sup> Molimo o sheba pelo. ’Me, pelo ea Jakobo, e ne e sa tsotelle ntho efe e tlang kapa e tsamaeang. Morero oa hae o tiileng o ne o le mong feela, ’ona, e le ho itholla tokelo eo ea tsoalo.

<sup>127</sup> Ho na le molumeli oa mannate, kajeno. Ere lefatše le u bitse eng le eng eo ba e batlang. Ba tlohele ba u bitse lehlanya, haeba ba batla. Ba bitsitse Jesu, “Belsebule.” “Lona ba tla le bitsa joalo hakakang,” A rialo. “Le lehlohonolo, ha batho ba le hlorisa, ba le beha bobe bohole, ka bohata, ka lebaka la Ka. Thabang, le nyakalle, hobane moputso oa lona o moholo Lehelimong, hobane ba hlorisitse joalo baporofeta ba bileng teng pele ho lona.” Le a bona?

<sup>128</sup> Joale, Tiiso ea Molimo ke eng, ke hona? Baefese 4:30, e itse, “Le se ke la soabisa Moea o Halalelang.” Ke eng? Baefese 4:30, lona ba e tšoaeang. “Le se ke la soabisa Moea o Halalelang.” Joale, ke a tseba ba bang ba re ke *sena*, kapa *sane*, kapa se *seng*. Empa, ho sa tsotelehe, Bibebe e boletse, “Lentsoe la motho e mong le e mong e be leshano, ’me la Ka e be ’nete.”

<sup>129</sup> Ba bang ba re, “Ho boloka matsatsi, ke letšoao.” ’Me ba bang ba re, “Ho etsa *sena*, ke letšoao.” ’Me ba bang ba re, “Ho ba paki ea *sena*, ke letšoao.”

<sup>130</sup> Empa, Bibele e boletse, “Le se ke la soabisa Moea o Halalelang oa Molimo, oo le tiisitsoeng ke ’ona ho fihlela Letsatsi la topollo ea lona.” Ho fihlela kae? “Ho fihlela Letsatsi la topollo ea lona.” Ebe e ka etsoa joang?

<sup>131</sup> Na Molimo o ka etsa phoso? Na O ka nea motho Moea o Halalelang . . . ’Me athe Ke mohlokapeletso, o tseba ho tloha qalong ho isa qetellong, a ka nea motho Moea o Halalelang, le ho mo tsepisa Bophelo Bosafeleng, oa ntano hlanoha, oa mo amoha Oona? Hoo ho ka Mo etsa ea nang le pheletso, joaloka ’na le uena, re lemaletse ho etsa liphoso.

<sup>132</sup> Empa, ho lebohuoe Molimo, Ntata rona ea Maholimong ha a etse liphoso. Eena . . . Ruri. A ke ke a etsa phoso. Ho tloha tšimolohong, E ne e le mohlokapeletso; ’me O tla ba teng, qetellong. A ke ke a etsa liphoso. O phethahetse.

<sup>133</sup> Hlokomelang, joale ke khutlela ho—ho Baheberu hape. Joale, “Le phethehe ke hona.” Joale ke tl’o tlola joale ’me ke kene ho Tšenolo.

’Me a baka *tsohle*, ’moho . . . e *moholo*, (ea holileng, e monyenyan, e motona le e motšeħali) . . . motlamuo *le* ea lokolohileng, *ho amohela letšoao* liphatleng tsa bona, le letsohong *a bona*:

<sup>134</sup> “’Me a thetsa bohole haese bao mabitso a bona a ngotsoeng Bukeng ea Bophelo ea Konyana.” O thetsitse bohole, lefatše lohle, maquloana a bolumeli. O ile a amohela Mokreste oa moipehi. O thetsitse setho sa kereke. O thetsitse monna oa boitšoaro bo khabane. O thetsitse monna ea lokileng. O thetsitse eo ho thoeng ke ’moleli. O thetsitse eo ho thoeng ke Mokreste.

<sup>135</sup> O thetsitse bohole ka qhekanyetso ea hae e kholo, ho re, “Bohole re kereke e le ’ngoe e kholo, ’me re lokela ho kopana bohole, le ho nka lintho tsa lefatše le kereke le ’muso, li kopane. Ke eng . . . Re tla qeta lintoa *tsohle*, ka mehla.”

<sup>136</sup> Bommè ba likete, limilione tsa bona, ba tla re, “Ke eona ntho eo re e batlang.” Sheba moo e tsoang teng, khaitseli. Sheba moo metheo ea eona e leng teng.

<sup>137</sup> “’Me o thetsitse bohole bao mabitso a bona a sa kang a ngoloa Bukeng ea Bophelo ea Konyana.”

<sup>138</sup> Joale na le itokositse? Ke ena. E melomo e ’meli ’me e boima. E mameleleng, joale. “O thetsitse bohole bao mabitso a bona a sa kang a ngoloa Bukeng ea Bophelo ea Konyana . . . ” Ho tloha mohla ba neng ba ingolisa kerekeng? Ho qala mohla tsoseletso? Mabitso a bona a ne a ngoloe Bukeng ea Bophelo ea Konyana mohla ba neng ba kena kerekeng? Che. “Mabitso a ngotsoe Bukeng ea Bophelo ea Konyana ho tloha motheong oa lefatše!” Amen. Ke phetho.

Na le a e tšoara? Taba eo esale e tlolisoa mahlo, ka makholo a lilemo, har'a baruti.

<sup>139</sup> Empa, shebang, lebitso la Mokreste ha le a ngoloa Bukeng ea Bophelo ea Konyana mohla neng a tla aletareng. Bibebe e boletse, “Lebitso la hae le ne le ngotsoe Bukeng ea Bophelo ea Konyana, ho tloha koana tšimolohong ea lefatše.” “Ha ho ea ka tlang ho ‘Na a sa huloe ke Ntate oa Ka pele. ’Me bohole ba tlang, Ke tla ba nea Bophelo Bosafeleng, le ho mo tsosa matsatsing a qetelo.” Ebe re tšohile eng?

<sup>140</sup> Nkutloe, ngoaneso ea khathetseng. Bibebe e boletse, ho re, “Jesu e ne e le Konyana ea Molimo e hlabiloeng ho tloha motheong oa lefatše.” Hlokamelang. Oh, khili! Taba ena e tukisa pelo ea hau hakaakang! Taba ena e u fa tšepo hakaakang! Morao motšeо koana pele ho motheo oa lefatše, mohla Satane a neng a khopamisa, bokhopo; Molimo, ka ho ba mohlokapehetso, oa shalima fatše molapong oa nako, ’me oa bona pheletso.

<sup>141</sup> Boitsebelopele! Efela haeba O sa tsebe lintho tshole, u lekanyelitse Molimo, u Mo seetse moeli joaloka ’na le uena. Empa, Molimo ha o na moeli; Matla a Molimo, tsebo ea Molimo, tshole. Ke Ea Matlaohle.

<sup>142</sup> Morao motšeо pele ho motheo oa lefatše, mohla Satane a entseng bobo, hoba Satane o ne a nahanne seo a tla se etsa, ’me Molimo o bone kamoo O neng o ka e khahlanyetsa. Amen.

<sup>143</sup> Bibebe e boletse, “Lentsoe le ne le le le tšimolohong,” Santa Johanne 1, “’me Lentsoe le ne le le ho Molimo, ’me Lentsoe e ne e le Molimo,” qalong, mohla nako e qalang. E ne e le Bosafeleng, pele ho moo, mona ke nakong, eo re buang ka eona.

<sup>144</sup> Bosafeleng bo tšoana le e—e tšenola. Ha bo—bo felle le ka mohla. Ke selikalikoe, se tsoellang ka mehla le mehla le mehla. Ke lebili le sa feleng le sa khaotseng kapa le se nang qetello. Empa Satane a kenya sekheo mono, ’me a theohela koano ’me a ka be a sentse ntho eohle.

<sup>145</sup> Empa, Molimo o bone moo ho tlang ho hlaha sekheo sa nako. ’Me ka ho ba moholo Eo mohlokapehetso, ho tloha qalong ho isa qalong, Oa sheba fatše. ’Me Oona, tšimolohong, e ne e le Lentsoe. Joale, lentsoe ke mohopolo o hlahisoang. Molimo oa qala oa nahana, ha O ne o qala o bona motho e mong le e mong ea kileng a fihla lefatšeng, le nonyana e ’ngoe le e ’ngoe, le letsetse le leng le le leng, le ntšintši e ’ngoe le e ’ngoe. Alleluia! Eo ke Molimo mohlokapehetso, Ea Matlaohle, oa Bosafeleng, ea leng teng kamehla. Ke Eo re Mo sebeletsang hoseng hona.

<sup>146</sup> Morao koana tšimolohong, ’me O bone ho tla ba le batho ba neng ba tla lakatsa ho bolokeha, batho ba bang ba neng ba tla batla ho bolokeha, batho ba bang ba tlang ho tšepahala pelong tsa bona. Ba ne ba batlile ho bolokeha. Joale, O flameha ho ba lokisetsa pholoho, ke hantle, ho seng joalo ba ke ke ba bolokeha.

'Me O a tseba hore ntho efe e sa phethehang e ke ke ea kena Leholimong, ka hona O loketse ho ba etsetsa tsela ea phetheho. Amen. Le a e bona?

<sup>147</sup> Eaba, morao mono, O itse, "Na, 'Na, Ke tla theohela lefatšeng, 'me Ke tla apara nama ea motho, 'me ke tla lefa kotlo e hlokehang mona. 'Me Ke tla nka sebaka, 'me Ke tla ba etsa ba phethehileng hoba Ke tla ba kenya ka ho 'Na, 'me Ke phethehile."

<sup>148</sup> Joale ha Jesu a ne a re, "Ka baka leo, le phethehe, joaloka bao ba leng... Molimo o phethahetse."

<sup>149</sup> Joale 'mele ona o harotseng oa otloa le ho tetekoa ka lebaka la sebe, 'me sebe se seng le se seng seo lefatše le kileng la ba le sona kapa le neng le tla ba le sona, se ile sa beoa holima Hae. 'Me Ke 'mele oo Jehova a o tsositseng ka tsatsi la ho qetela mono, ka tsatsi la boraro ka mora lefu la Hae.

<sup>150</sup> 'Me ha re le 'Meleng oo, re phethahetse joaloka ha 'Mele o phethahetse. Amen. Ke uena eo. U kena joang 'Meleng oo? U kena joang ho Oona? Bibele e boletse, ho Baroma 8:1, "Ka baka leo, ha ho sa le tsuo joale ho ba leng ka ho Kreste Jesu, ba sa tsamaeeng ka nama, ba mpa ba tsamaea ka Moea." Ha ba tsotelle seo lefatše le se buang, kapa seo motho e mong a se buang, kapa esita le seo lelapa la bona le se buang. Ba tsamaea ka Moea oa Molimo, leratong le phethahetseng, la Khalalelo. Le a e bona?

<sup>151</sup> U kena joang ho Oona? Ka ho ingolisa le kereke? Ka ho tsukutla matsoho? Ka kolobetso ea metsi? Che, monghali.

<sup>152</sup> Khaolo ea 12 ea Bakorinthe ba Pele e itse, "Ka Moea o le mong re kolobeletsoa bohole 'Meleng o le mong, 'me re beoa litho tsa 'Mele oo." 'Me, hape, ha se seo ke se entseng, seo ke leng sona, seo ke neng ke le sona, kapa letho la eona. Ke seo Molimo o nketselitseng sona, ka ho Kreste, 'me re phethisoa 'moho le Sehlabelo sa rona.

<sup>153</sup> Ha A etse liphoso tsa letho. A ke ke a u kenya haeba u se na tokelo. O tseba pelo ea hau. Ke hantle. O tseba seo u leng sona. O tseba maike misetso a hau. O tseba seo u leng sona. Ho chehiloe maraba hohle tseleng. Ehlide, liabolosi o tla etsa hore u khoptjoe. 'Me u re, "Ke ne ke sa ikemisetsoa ho etsa hoo. Molimo, U a e tseba." U sa ntse u phethahetse hobane Mali a phethahetseng a nyehetsoeng uena a teng, letsatsi le leng le le leng, le Sehlabelo se lutlang mali se leketlileng ka pela Terone ea Molimo o Matlaohle. Ke hantle. Joale, u kene joang ka Mono? Molimo, ka boitsebelopele...

<sup>154</sup> Joale, Molimo o boletse hore Jesu... Joale roalang likatiba tsa lona. Bula pelo ea hau. Sheba. Bibele e boletse, "Jesu e ne e le Konyana e hlabiloeng ho tloha" (ho kae?) "motheong oa lefatše." O ile a hlabjoa. Hobane'ng? Molimo, Ntate, eitseha A sheba fatše le ho bona kamoo...

<sup>155</sup> Jesu ha a tlela ho shoa lefu le tlatselelang feela. Ha A tla, ka ho re, “Be, mohlomong motho a ka ba le mohau ha a bona kamoo Ke shoeleng, ntho e ‘ngoe le e ‘ngoe.” Che. Che. Molimo ha o laole khoebo ea Oona joalo. Molimo o laola khoebo ea Oona ka ho phethahetseng. Ke hantle.

<sup>156</sup> O tsebile hantle se tlang ho etsahala. Ke tsela eo A neng a ka bolela esale pele. O tseba hantle seo A . . . “Ha A rate hore mang a ka timela.” “Ha O rate,” empa, ha O na pheletso, O tseba ea tla khona le ea sa tl’o khona. Ka hona, u ka ba le bonneta, haeba u amohetse Molimo le ho tlatsoa ka Moea o Halalelang, u ankoriloe ho fihlela pheletso ea hau ea Bosafeleng. Ka nepo. Le a bona, O tseba esale pele.

<sup>157</sup> Joale hlokomelang. Bibebe e boletse ho re, “Jesu, Konyana, o hlabiloe pele ho theoa lefatše le ka mohla.” Oh! Ke—ke a tseba ke itšoera ka ho makatsa holimo mona, empa ke—ke—ke ikutloa ke khanya. Shebang. Eng? Jesu o hlabiloe le pele ho beoa thojana ea pele ea lerole. Jesu o ne a se a hlabiloe. Hobaneng? Hobane Molimo . . . Ke ena. E tšoareng. Molimo, ka boitsebelopele, mohla E neng e le Lentsoe tšimolohong, O bone mohopolo. Joale ke mohopolo feela; joale eitse ha A e bolela, le ho re e tla etsahala, Jesu o hlabiloe motsotsong oo Molimo o buileng Lentsoe. Eaba ho etsahalang? Lilemo tse likete tse ‘ne hamorao, O tlie a lefa mopotso, seo Molimo o neng o se entse morao mona, ka Lentsoe la Oona. O ne a loketse ho tla. Matemona bohle ba liheleng ba ka sitoa ho Mo thibela ho tla. Molimo o ne a se a e buile.

<sup>158</sup> Joale, molumeli, na u roetse lieta tsa hau tsa thabo? Mamela sena. Haeba u le Mokreste, haeba u hlide u le ngoana oa Molimo, Bibebe e boletse . . .

Seo ha se, “Oh, moreri!”

<sup>159</sup> Eo ke Bibebe. E itse, “Mabitso a lona a ngotsoe Bukeng ea Bophelo ea Konyana pele lefatše le theoa.” Oh, khili! Ka eona nako eo Kreste. . . eo Molimo o boletseng Kreste a tla hlabjoa ka eona, O ngotse lebitso la hau ka ‘moho le la Hae. Alleluia! Ke moo. Lebitso la hau le ne le ngoloe ho . . .

<sup>160</sup> O itse, “‘Me se thetsitse, ba baholo, ba banyenyane,’ bongata e ne e le litho tsa kereke, ba iketsang Bakreste. “O thetsitse bohle bao mabitso a bona a sa kang a ngoloa,” e seng bukeng ea kereke, empa, “Bukeng ea Bophelo ea Konyana” (neng?) “pele lefatše le theoa.” Molimo o ngotse lebitso la hau Bukeng ea Bophelo ea Konyana, ka Lentsoe la Oona le builoeng. ‘Me oa romela Kreste, Sehlabelo, ho le reka, ho lopolla sona sehlopha seo A ngotseng mabitso a sona Bukeng ea Bophelo ea Konyana pele lefatše le theoa. [Sekheo lebanteng—Mohl.]

<sup>161</sup> Joale, “Bao A ba bitsitseng, O ba lokafalitse.” O ba bitsitse pele lefatše le theoa. “Bao A ba bitsitseng, O ba lokafalitse. ‘Me bao A ba lokafalitseng, O bile o ba tlotsitse.’ Oona Molimo oo, pele lefatše le theoa, o bitsitse lebitso la hau ‘me

oa le ngola Bukeng ea Bophelo ea Konyana; Bukeng, haesale lefatše le theoa, o se a u etselitse sebaka Khanyeng. “Me mohla tabernakele ena ea lefatše e senyehang, re na le e re emetseng koana Khanyeng . . . ? . . .” Ke moo. Eo ke Evangedi.

<sup>162</sup> Re tšoenyehile ka eng? Hobaneng re tsamaea re shebahala *tjee*, “Be, kea ipotsa feela”?

<sup>163</sup> Phahamisang lihlooho tsa lona! Bibele e boletse, “Tiisang mangole a tetemang. ’Me matsoho a phahame, a kileng a leketla fatše. Ea fokolang a re, ‘Ke matla.’” Amen.

<sup>164</sup> Hoba, Evangedi e reriloe. Ke Litaba tse molemo. ’Me, hoseng hona, Moea o Halalelang, ka Lentsoe, o le tlisetra Litaba tse molemo, ho re, “Ho tloha pele lefatše le theoa Molimo o ngotse lebitso la hau Bukeng ea Bophelo ea Konyana.” Batemona bohle ba liheleng ba ke ke ba le hlakola mono. Lentsoe la Molimo le se le e buile. E tpile hakaalo ho etsahala, joaloka ha Molimo o le ngotse mono pele ho theoa lefatše! Amen. Ntate oa rona ea Maholimong o khanya hakaakang, leratong la Oona le se nang moeli le mohau oa Oona, ho re etsetsa hoo!

<sup>165</sup> Ho re, “Phethehang ke hona, joalokaha Ntata lona ea Maholimong a phethehile.” U ka ba joang? Athe, ha se phetheho ea ka, ha se phetheho ea hau. Ke phetheho ea Hae, ea Lentsoe la Hae; hore O u khethile, ’me ha se uena ea Mo khethileng. ’Me O u kentse ka ho Kreste. ’Me u sirelelitsoe le Jesu Kreste, le ka ho phetheha joalokaha Kreste a ne a le ka pel’ a Modimo. Hobane, ha u a ema ka bo-uena. O eme ka ho Eena, ka nthoe le ’ngoe, “Ke lumela Molimo.” Amen. Oh, ke a Mo rata! Oh, khili!

<sup>166</sup> Mose oane oa Edene, amen, ho tla ba monate hakakang letsatsi le leng, mohla u hetlang u re, “Hobaneng ke ne ke tšohile? Sheba thabo eo ke e fositseng.”

<sup>167</sup> Monna e mocha, mosali e mocha, hoseng hona, kapa uena leqheku la monna kapa la mosali, u esong ho be Mokreste, Molimo o kokota pelong ea hau kamehla. [Moena Branham o ile a kokota sefaleng—Mohl.] Oh, e, u ka fihla qetellong ea tsela, empa u ke ke ua ba le thabo. U ke ke oa teeloa hare ke khanya ea linaleli. Ha ke batle ho ema joalo.

<sup>168</sup> Ke batla ho utloa A re, “U sebelitse hantle, mohlanka oa Ka ea molemo le ea tšepehang.” Ke batla ho Mo bontša kananelo ea ka.

<sup>169</sup> Mohatsa ka oa batho, mothoana, ea tsofetseng ea moriri o moputsoa, kamoo nka thabelang ho mo etsetsa lethoana, leo ke mo tsebang a le rata, hobane kea mo rata, ’me ke a tseba hore o a nthata. ’Me haeba nka etsetsa mohatsa ka seo, ka lerato la botho, ke lokela ho etsang, ho tseba hore Modimo, ka mohau, pele lefatše le theoa, o mpone ’na; mofokoli, moetsalibe e monyenyanee ea thekeselang, ’me a ne a ea liheleng a sa khone ho ithusa? ’Me O nkhetile pele, le ho bea lebitso la ka Bukeng ea Bophelo ea

Konyana pele lefatše le theoa. Oh, ke a Mo rata! Ha ho mokhoa ho hang, oa ho bolela le ka mohla . . . ? . . . Ha ho makatse Bibele e itse, “Leihlo ha le e-s’o bone, tsebe ha e e-s’o utloe, leha e le ho fihlela pelo ea motho.” Oh, khili! Molimo o khanya hakaakang! Na ha u batle ho Mo tšepa, haeba u khathetse ‘me u tepeletse?

<sup>170</sup> Lihlong lona Bakreste, ba ipitsang Bakreste, ‘me le likoloha hohle le tepeletse. “Che, ha ke tsebe. ‘Me ha ke ea kerekeng, eona . . .” Oh, boitatolo ba hau bo fokola hakakang.

<sup>171</sup> E-re ke u bolelle. Phahamisang lihlooho tsa lona. Le pepe lipeta. Oh, khili! Oh, sebelisang tumelo. Tumelo ke mpoli. Ke hantle. Tumelo e sefuba se mohoete. Moena, ke bolela ho re, e matšufu a litšika. Ha e bua, matšoenyeho ‘ohle a pona ho qala lephakong le leng ho ea ho le leng.

<sup>172</sup> Liabolosi o re, “Joale, u mpa u ke ke oa khona feela. U ke ke ke oa etsa sena. U lihlong ho paka.”

<sup>173</sup> Tumelo e a phahama, e re, “Thola! Lotho e ntšitse ‘na.” Amen. Ehlide. Tumelo e hata bohato ba pele. Ke seo re se hlokang kajeno ho moeti e mong le e mong naheng. Lelatsa hlooho ea hau holimo.

<sup>174</sup> Bibele e boletse, “Ha ke ne ke . . .” Davida o itse, “Ha ke tšohile, ke ne ke tsamaea le . . . Ke ile ka Mo tšepa. Mohla ke neng ke tšohile, ka na ka Mo tšepa. Nako le nako ha ke tobana esita le tšabo ea lefu, meriti . . .”

<sup>175</sup> Mohla Pauluse a neng a theoha, a re, “Lefu, tsenene ea hau e kae? Lebitla, tlholo ea hau e kae?” Moena . . .

Bophelo ba banna ba baholo kaofela boa re  
hopotsa  
Re ka phethisisa maphelo a rona,  
Ka likarohano, ra siea  
Mehlala ea maoto mahlabatheng a nako.

<sup>176</sup> Ka tsatsi le leng, mohla ke lutseng koana maralleng a Khanya, teng letsatsi ha le sa tla phirimela Motse oo, moo bahalaleli ba seng ba ntse ba hoeletsa, bahale bao ba khale ba Tumelo, ho sheba morao tlase libakeng tseo koana, le ho bona tsela ea rona, e entsoeng ka Khanya. Ke batla ho lula le bona, le ho ipona nkile ka phahamisetsa hlooho ea ka sebakengmo ‘me ka tšepa Molimo, le ho tsamaea, nakong ea sefefo. Oh, khili!

Ha re rapeleng.

<sup>177</sup> Ntata rona ea Lehelimong, rea U leboha hoseng hona ka Jesu. Re U leboha ka phetheho ea Evangel, bakeng sa phetheho, le borena Bosafeleng ba Lentsoe la Molimo la Bosafeleng, le builoeng. ‘Me ho ea ka Lentsoe la Oona, O re bitsitse oa re khethela ho Oona pele lefatše le theoa, le ho ngola mabitso a rona pele lefatše le theoa. Ha Molimo o bua lentsoe, le loketse ho etsahala. Le loketse ho etsahala feela. ‘Me U buile mabitso a rona mohla U neng u bua Lebitso la Hae. O re khethile, le Eena, pele

lefatšle le qala, ka hona ha ho letho leo re ka le tlalehang re ne re ka le etsa, Morena. Ha ho a—ha ho a lula bathong. Ha ho letho leo re ka ithorisang ka lona kapa ra itlotlisa ka lona. Re ka bua ho le hong feela, ke hore, “Molimo, ke U leboha ka mohau Hau. Kea U leboha ka lereko la Hau, Morena. Ka ho bona re ne re le bajaki, empa joale U re phethisitse ka Sehlabelo se phethehileng seo re emeng ka ho sona, Oho Molimo, ho ema ka ho Eena, kajeno, re sa ntse re tsoelapele.” Ho U leboha, Ntate, ka lintho tsena.

<sup>178</sup> Re a kopa, e mong ha a le teng mona kajeno, Morena, a se boemong boo, motsotsong ona ba etse qeto ea bona e le 'ngoe le ea Bosafeleng le ea ho qetela, pele U etsa pitso ea Hau ea ho qetela le ea bofelo lipelong tsa bona. Re U rapela ho e aba ka Lebitso la Kreste.

<sup>179</sup> 'Me re sa inamisitse lihlooho tsa rona, ke a ipotsa motho ea joalo o teng mona hoseng hona, ea leng ka har'a moroetsana ea robetseng ruri; ha u eso phaphame temong ea hore u tlameha ho pholosa meeaa, u tlameha ho etsa ho hong? 'Me u batla ho hopoloa ke Molimo, joaloka mopholosi oa moea; u batla ho ba ea tla tsoa ho ea leka ho pholosa meeaa? Na u ka phahamisa letsoho la hau, ho re, "Molimo, nkhopole." Molimo a u hlohonolofatse. Ke botle. Ho lokile.

<sup>180</sup> Na motho ea joalo o teng mona hoseng hona ea e-song ho ka a amohela Kreste joaloka Mopholosi, empa, hoseng hona, u batla ho etsa qeto eo ea ho qetela le ea Bosafeleng? U sa bona letsatsi le phirima koana, 'me u a tseba ho setse litšioana 'me ha re sa tla ba mona. U tseba seo. Empa u batla ho—u batla ho kena 'Musong oa Molimo. U batla ho amoheloa ke Molimo. 'Me u lumela hore O a e etsa, 'me u tla phahamisetsa letsoho la hau lebakeng leo, hoseng hona, u a lumela joale hore Kreste u nka joaloka ngoana oa Hae. Molimo a u hlohonolofatse. 'Me Molimo a u hlohonolofatse.

<sup>181</sup> Motho e mong osele, o tla Mo nka e le Mopholosi oa hau, letsatsing lena? O tla phahamisa letsoho la hau, ho re, "Ho tloha letsatsing lena, ho ea pele, joale ke tla sebeletsa Molimo ka pelo ea ka eohle. Kea lumela. 'Me ke batla ho hopoloa. Bophelong bohle ba ka, Ntho e 'nile ea kokota pelong ea ka, 'me ea kokota pelong ea ka, 'me ke E hanne. 'Me ke tšaba hore nka E hanela ka nako e fosahetseng joale. 'Me ka hona, hoseng hona, Molimo, ka mohau, ke a tsoa 'me ke phahamisa letsoho la ka, ke re, 'Nkhauhele, moetsalibe'"?

<sup>182</sup> Na ho ho ka ba e mong? Molimo a u hlohonolofatse. 'Me u hlohonolofale, ngoanana e monyenyan. Ke bona letsoho la hau, hape, moratuo. Ho lokile. Motho e mong, na u ka phahamisa letsoho la hau, ho re, "Nkhopole"?

<sup>183</sup> Na mokhelohi o teng, ea reng, "Oh, Moena Branham, ke Mokreste, empa 'na ke moiroleli ea fokolang. Ha ke phetse ho kheloha 'me ke e etsa phoso. 'Me ke—ke rata Molimo. Molimo o

nkukile ka mohau. Kea tseba hore ke ngoana oa Hae. Empa ha ke eso be mafolofolo, ha ke eso etse mosebetsi oa Morena. Ke a ritsa, kea kena le ho tsoa, le ho kena le ho tsoa. Empa Ntho ha e phetse ho ntšoara, ka pelong ea ka. Ke hlajoa ke lihlong ka bopaki ba ka. Nka soabela ho kopana le Molimo, hoseng hona, ha ho le moea o le mong kapa letho. Ke—ke—ke batla Molimo a nkhutlise le ho nkopela lephakong la Hae le fophang mali, le ho nchapa, etsoe ke loketsoe ke hona, 'me ke be Mokreste oa sebele ho tloha tsatsing lena, ho ea pele. Ke tla phahamisetsa letsoho la ka ho Molimo. Ke seo ke batlang hore U se etse, Molimo."

<sup>184</sup> Molimo a u hlohonolofatse, mofumahali. Molimo a u hlohonolofatse, uena, uena, uena. Hore, joale Molimo o bona pelo ea hau. 'Me bongata ba lona le phahamisitse matsoho a lona, ke a le tseba. Ke tseba bophelo ba lona bo eang holimo-le-tlase. Ha u ntse u... (Bakreste ba bang baa rapela.) Ke tseba maemo a lona a holimo-le-tlase. Ke tseba ho oa mohaung ha lona. Molimo o ba tseba hantle ho feta, haeba le 'na ke ba tsebile. Ke a u bona u tla aletareng, ho leka ho qala, le ho khutlela morao; ho leka ho qalisa, le ho khutlela morao.

<sup>185</sup> Monna o sa tsoa shoa, matsatsing a 'maloa a fetileng, o ne a ruta sekolo sa Sontaha mona. Ke tšaba hore batho ba habo ba teng mona. Nka bitsa lebitso leo, boholo ba lona le tseba eo ke buang ka eena. Monna eo o ne a tla kerekeng, a boele a khutle; o ne a tla kerekeng, a khutle. A batla ho etsa se nepahetseng. O ne a e-na le boiphihlelo le Molimo. E ne e le monna ea lokileng, pelong, empa o ile a qala a phenya-phenyana le lefatše haholo. O ile a hlokahala, e le mohlankana e mocha. A siea lefatše. Joale kea ipotsa ebe moputso oa hae e tla ba ofe. Le a bona? U se ke oa etsa seo. U se ke oa etsa joalo, motsoalle. Lula ka har'a marapo.

<sup>186</sup> Hola monna eo a ka khutlela lefatšeng kajeno, 'me a ema koana motseng, nqa e 'ngoe, hona moo a shoetseng teng, o ne a tla matha a hoeletse a mathele tabernakeleng ka bokhoni ba matla a hae. Moshemane, ke a u bolella, ho ne ho tla pholosoa mee a vekeng ena e tlāng, hola a ka fihla mona. O mose ho leliboho joale. Empa, hopolang, ha feela Bosafeleng bo le teng, ruri ka botebo joalokaha leholimo le le teng, ba ke ke ba fumana monyetla o mong ho pholosa moea, ho ke ke ha ba le monyetla o mong ho phelela Molimo. O entse qeto ea hae ea ho qetela.

<sup>187</sup> Ho ka thoe'ng ka ea hau, hoseng hona? Tloong re lokiseng, ho Molimo, re sa inamisitse lihlooho tsa rona. Re fe lehlasonyana, "Ka mose ho Jordane."

Ka mose ho...

Joale lulang le ntse le rapela.

...oa Jordane,

Thoteng tsa Edene e monate,

Butle joale, kaofela ha rona.

Sefate sa Bophelo se thuntse,  
Phomolo ea hau hona teng.

Jesu o roba litlamo tsohle,  
Jesu o roba litlamo tsohle,  
Jesu . . .

Ebe u sitisoa ke'ng?

. . . litlamo tsohle,  
Ha A u lokolla!

Ke tla Mo roka, ka mehla eohle,  
Ke tla Mo roka, ka mehla eohle,  
Ke tla Mo roka, ka mehla eohle,  
Hoba O a ntokolla!

Joale rona bohle, 'moho, butle.

Ka mose ho Jordane, (Ka mose ho noka koana.)  
Thoteng tsa Edene e monate  
Sefate sa Bophelo se thuntse,  
Phomolo ea hau hoan teng.

Khele, Jesu o roba e tsohle . . .

<sup>188</sup> Litlamo tsa monyemo, litlamo tsa bolumeli, litlamo tsa bolumeli, litlamo tsa sebe, litlamo tsa ho se lumele.

Jesu . . . (Boteng ba Hae bo haufi.) . . . litlamo tsohle,

Etsa qeto ea hau feela.

Mohla A u lokollang!

Ke tla Mo roka, ka mehla eohle,  
Molimo a u hlohonolofatse, mofumahali.

. . . Mo rorisa,

<sup>189</sup> Motho e mong hape, mahlaahlela a khaoloe ka nqa tsohle. Na ha u batle ho lokoloha kajeno? U ntse u ikaketsa ka'ng athe? Khele, u malimabe ka bo-uena, haeba u sa lokoloha; Moea o Halalelang, likaqa tsohle li tlohile tseleng, Moea oa Molimo o theohela pelong ea hau. Molimo a u hlohonolofatse, khaitseli.

Ka mose . . .

<sup>190</sup> Ekaba u tšeroe ke lethoana le itseng. Na ha u batle ho bolokeha? Kea tšepa mabitso a rona a phuthetsoe hammoho. Molimo a u hlohonolofatse, moena. Kea tšepa mabitso a rona a phuthetsoe 'moho, koana Khanyeng, joaloka linaleli tsa Molimo, tse khanyang kamehla le mehla. Ho sheba koana le ho re, "Mane ho eme Moena Branham."

<sup>191</sup> Ke tla re, "Oh, yaa, moena. Na u hopola tlase tabernakeleng hoseng hoo?"

. . . ho thunya,  
Phomolo ea hau e teng.

Ke tla Mo rorisa, kamehla (Na ha u batle ho e  
etsa?)  
. . . ke tla Mo rorisa, kamehla,  
Ke. . .

<sup>192</sup> Mokhelohi, na ha u batle ho nyolohela aletareng joale?  
. . . kamehla. . .

Nthonyana eo ea khale e emeng tseleng ea hau. Jesu o khaola  
tlamo eo. Tloo.

Ha A u lokolla!  
Tlase sefapanong moo Mopholosi oa ka a  
shoeleng,  
Teng ka llela hlatsuo sebeng;  
Oh, teng Mali a tlotsitsoe pelōng ea me;  
Ho bokoe Lebitso la Hae!  
Oh, ho bokoe Lebitso la Hae le ratehang!  
Oh, ho bokoe. . .

<sup>193</sup> Motsoalle oa moetsalibe, mona aletareng, mokoenehi,  
'Momolelle ka eona joale. E ne e le hokae?

Teng pelong ea me ha. . .

<sup>194</sup> U khumame mono le Molimo le le bang joale. O u shebile.  
Esita le serobele se ke ke sa oa A sa e tsebe.

Oh, tloo Selibeng sena se enneng, se monate, se  
mapholi,

<sup>195</sup> Haeba u eso amohele Moea o Halalelang, tloo. O teng mona.  
. . . maotong a Mopholosi;  
Oh, ikakhele kajeno, 'me u phethehe;  
Oh, ho bokoe la Hae. . . (E tšoare mono hona  
joale.)

<sup>196</sup> Le sa inamisitse lihlooho tsa lona. Na le kile la hlokomba  
batho ba amohelang Kreste? Shebang ba ne ba le sebakeng sa  
mofuta ofe, kamoo ba O fumaneng, le ba bona ba itšoera ka ho  
tšoana. Ruri. Haeba e le ea bokhelohi, e fehluoe e le ea maikutlo,  
ngoana o tla hola joalo. O tla ea joalo. Haeba e bata, e hoamme,  
e le monyemo; ka tloaelo ka mokhoa oo. Ba amohela moea oa  
mofuta oo, hoba ke 'ona o sebetsang lekhatheng leo.

<sup>197</sup> Nkise sefapanong. Nkise moo Moea o tsamaeang, o  
nolofatsang pelo ea ka. "Leha nka bua ka lipuo tsa batho le  
tsa Mangeloi, leha nka nehela maruo a ka kaofela ho fepa  
bafumanehi, 'mele oa ka oa chesoaa e le sehlabelo, ka rua tsebo  
ea ho tseba liphiri tsohle le lintho tsena tsohle, tsohle li tla  
hlolleha. Empa mohla se phethileng se fihlang, e leng lerato, se  
hlola ka ho sa feleng." Lerato le hlahisa tumelo.

<sup>198</sup> Na u ke ke ua tla joale nakong ea maikutlo ana a ratehang,  
a ithobileng, a monate a Moea o Halalelang a haolang mona

aletareng joale. Khumama feela, ho re, "Molimo, nkauhuele. Ke batla hore U mphe joale, ka pelong ea ka, Moea ona o ka kerekeng. Joale kea khumama, 'me kea kopa. 'Me, ka tumelo, ke lumela hore U tla mpha eona." U tla tloha mona, u le e mong oa meeaa e ikokobelitseng, e mosa ka ho fetesisa. Hohle ho tla fela ka nako eo.

Ke pholositoe sebeng ka mohlolo,  
Jesu o aha ha monate ka hare,  
Oh, sefapanong moo A nkentseng teng;  
Ho bokoe Lebitso la Hae!

Bokoe . . .

<sup>199</sup> Ha re ntse re bina sena, kea ipotsa Bakreste ba ka ratang ho khakola bophelo ba bona bocha 'moho le bana ba aletareng, ba ttileng bakeng sa Moea o Halalelang le poloko. Na u ka rata ho khumama mona le rona, ho rapela le rona metsots e 'maloa? Eng le eng eo u e hlokang, ho sa tsottelehe ke'ng. Haeba e le maloetse, u hloka ho pholiso. Haeba e le bothata, 'me u hloka ho imolloa, haeba u tsoenyehile u khathatsehile, u hloka—ba hloka khotso, tloo joale, na u ke ke?

Oh, tloo Selibeng sena se enneng le se monate;  
Lahlela moea oa hau o soto ho Mopholosi . . .

Ke thabela ho bona ba bangata hakana ba etla, hoseng hona.  
    . . . kajeno 'me u phethehe;  
    Ho bokoe . . .

<sup>200</sup> Le a bona, ke mosebetsi oa Moea o Halalelang. O etsa sena. "Ho . . ." Hase maikutlo. E tiile, e tebile. Hase ka bohlaha. Hase ka ho tsepama. Ke lerato le hulang, le re qophellang.

Teng Mali a tlotsitsoe pelōng ea me;  
Oh, ho bokoe Lebitso la Hae!

<sup>201</sup> Ho a babatseha! Bohle ba inama joale. Na ha le rate see? Ha ke tsebe kamoo le ikutloang, empa kea utloa, ka pelong ea ka, u utloa marotholi a likeleli ka hare ho uena, a theoha. Moea o Halalelang oa Molimo o tsamaea feela, O ntse o etsa mosebetsi. Moena, mphe kereke e kang eo, e robehileng ruri, e theohelang tlung ea Sebopi, ho bopjoa bocha.

Jesu, mpoloke pela sefapano,  
Teng ke Seliba sa bohloko,  
Se etselitsoe bohle . . .

<sup>202</sup> Ere bamameli ba thusé ho se bina joale, nakong eo ba bakang ba leng aletareng, ba ntse ba kopa.

Se phalla se tsoa Selibeng sa Kalvari.  
Sefapanong, sefapanong,  
Oh, thorisong ea ka mehla;  
'Me moea oa ka o hloibitsoeng o tla fumana  
Phomolo mose ho noka.

<sup>203</sup> Oho Molimo, Ntata rona, re tla ho Uena, kajeno, ka boikokobetso, re robehile. Moea o Halalelang o kena Lentsoeng. Bakreste ha se le ho lebo- . . . 'me ba U leboha haholo, haele moo ba U amohetse, ba tsoetsoe labobel. U khethile sena haesale ho theoa lefats'e. U e boletse. U itse, "Ke na le litaba tse ngata tseo Nka le bolellang tsona, tseo Nke keng ka le bolella tsona joale. Empa mohla Eo Moea o Halalelang a tlileng, O tla le senolela lintho tsena, 'me o tla le ruta le ho le tataisa." Re leboha haholo, hoseng hona, ka Moea o Halalelang o senolang Lentsoe la Molimo. U itse, "'Me O tla khutlisetsa lintho tsena ho 'Na . . . ho le hopotsa, seo Ke le boleletseng sona. 'Me O tla le bonts'a tse tlang ho tla."

<sup>204</sup> Re thabile haholo haele moo A e-na le rona kajeno. 'Me ka thuto ea Lentsoe, le ka tšebetso ea Moea o Halalelang, Bakreste ba phaphamsitsoe, baetsalibe ba tlie ho Uena, bakoenehi ba ikhalalelitse bocha. Ntate, ba aletareng. Ho entsoe hore bakuli le ba khathetseng, ba hlomohileng, ho tla le ho inamisa lihlooho tsa bona, ho amohela pholiso ea 'mele ea bona, ho tseba hobane Lentsoe la Hau le builoeng ke 'Nete. Tse ling tsohle li tla hloleha, empa Lentsoe la Hau le ke ke la hloleha le ka mohla. 'Nete! "Le tla tseba 'Nete, 'me 'Nete e tla le lokolla."

<sup>205</sup> 'Me re tlie ho amohela, hoseng hona, seo U re fileng sona, mahlomoleng a Hau a tefetso, lefung la Hau, leo U re etselitseng lona. 'Me rona ka bolokolohi, Morena Jesu, re a e amohela. Re lumela Lentse la Molimo. Re lumela hore U ts'episitse, "Ea tlang ho 'Na, Nke ke ka mo leleka." Oho Molimo, ke tšepiso e kakang! Ho sa tsotelehe hore na e etselitsoe eng, U itse, "Ekare ha le rapela, le lumele hoba le tla fuoa seo le se kopang. Le tla se neoa."

<sup>206</sup> Joale, Ntate, ha re e lumela ka 'nete, e lokisitsoe. Re a e lumela. E entsoe. Ebe re nka bohato holima boipolelo ba rona, hore U re etselitse eona. Eseng hore re na le tokelo; ha re tšoanelehe. Empa ka mohau oa Hau u sa re tšoaneleng oo re nang le 'ona ka Uena, re lumela hore mosebetsi o phethiloe.

<sup>207</sup> 'Me joaleka ba bakileng bana, le ba tlang hoseng hona, ba ikhalaletsa, le ho bao ba trelang litšitso tsa mahlomola, joalokaha Davida a boletse, "Boka Morena, oho moea oa ka, 'me u se ke oa lebala litšitso tsohle tsa Hae; ke eena Ea tšoarelang makhopo a ka kaofela, le bokoenehi ba ka; le ea folisang maloetse a rona kaofela." Tseo ke lits'itso tsa molumeli. 'Me re e amohela, ka tumelo, hoseng hona, ka ho tla holim'a Lentsoe la Molimo, le boletsoeng pele lefatše le theoa. Haeba e ne e se ntho e ka etsoang hore e se ke ea etsahala, hase ntho e ka etsoang hore re se fumane seo re se kopang, ha re e kopa ka tumelo re lumela. 'Me hoo ho robetse ka hare ho lipelo tsa rona, Morena, ho amohela seo re se kopileng.

<sup>208</sup> Jesu, re boloke haufi le sefapano. Ha sera se etla joaloka morallo, Morena, se phahamisetse folaga. Hlohonolofatsa

phutheho ena e nyenyane, e emetseng. Molimo, Moea ua Hau o Halalelang o ke o nke bana ba khethetseng maphelo a bona bocha, banna le basali bana ba khumameng aletareng. Baetsalibe bao ba tlang 'me ba inamisa lihloho tsa bona, ba kenyé Mmusong ua Hau.

<sup>209</sup> Morena, kea eleloa hore ke maemo a bona ka sebele, motsotsø oo ba U lumetseng ka 'ona, ke motsotsø oo U ba amohetseng ka 'ona. Hobane U itse, "Ha ho ea ka tlang a sa huloe ke Ntate oa Ka pele. 'Me bohole ba tlang, Ke tla mo neha Bophelo ba kamehla, 'me ke tla mo tsosa ka letsatsi la ho qetela." Ke Lentsoe la Hau, Morena. Re a Le lumela.

<sup>210</sup> 'Me e phethiloe, mosebetsi o phethiloe, 'me re U leboha ka hona. Re U leboha ka pholiso ea 'mele o mong le o mong, bakeng sa moea o mong le o mong o khathetseng, bakeng sa ntho e 'ngoe le e 'ngoe eo ea Hau... Ba neng ba e-na le matsoho a fokolang, ba neng ba tshohile, ba neng ba maketse. Davida o itse, "Ha ke ne ke tshohile, ke tshoha, eaba ke tsho Uena 'me ka tsamaea."

<sup>211</sup> Molimo, re ke re phahamise lihlooho tsa rona, hoseng hona; re se be makoala, empa Bakreste ba lumelang ho Jesu Kreste. Re ke re tsoelepele, bopaki ba rona bo ntse bo phatsima. Ho ba joalo, ka pholiso ea mebele ea rona, ka bopaki ba poloko ea rona, re ke re hapele ba bang ho Uena. Aba sena, Ntate, bohole re sa namalla aletareng. Aba sena bakeng sa Khanya ea Hau, re sa U lumetse 'me re U emetse, Morena.

<sup>212</sup> Mona ke hona moo, ho tola feela ka har'a botle ba Hau, ho tola feela tsepisong ea Hau, ho utloa Moea o Halalelang oo o khanyang o re hulela ho Uena. Kamoo re U ratang kateng! Kamoo re U rorisang!

<sup>213</sup> Ke U rapela hakakang, Morena! 'Na, mona ka mora deske e halalelang ena, ke phahamiselitse matsoho a ka ho Uena, ke a U khumamela, Molimo oa ka. Kea U khumamela. U Mofolisi oa ka, Mopholosi oa ka, Morena oa ka, 'Maballi oa ka, Ntate, Moena oa ka! Tsohle tsa ka li lutse ho Uena. U matla a ka. 'Na phatlalatsa... Uena... Davida o itse, "Ke tla U rorisa phuthehong ea bahalaleli." 'Me ke tla U rorisa ka pel'a bahalaleli hoseng hona. Ke U rorisa ka ho mpholisa. Ke U rorisa ka bophelo ba ka. Ke U rorisa ka bophelo ba ka. Ke U rorisa ka molemo oo U mpontsitseng oona. Ke U rorisa ka metsoalle ea ka. Ke U rorisa ka tsohle, Morena. U a babatseha, thabo e ke keng ea boleloa 'me e tletse khanya! Ke U rorisa hakaakang!

<sup>214</sup> Nka khotheletsa ba khathetseng hakakang ho Uena! Kamoo nka khotheletsang moetsalibe ho Uena, joaloka Mopholosi! Nka khotheletsa bakuli hakakang ho Uena, joaloka Mofolisi! Nka khotheletsa moleleri hakakang ho Uena, joaloka Morena! Oh, kamoo ke U ratang, hoseng hona! Nka khotheletsa hakakang— ho Uena, Morena, bao ba hatikeloang, ho ba—ho ba thabo ea nyakallo liahelong! Re U leboha hakakang!

<sup>215</sup> Oh, U Lefika naheng e nyoriloeng, Setšabelo nakong ea sefeso; Alfa, Omega, Qalo le Qetello; Rose ea Sarone, Khahla ea Phula, Naleli ea Meso! Oh, kamoo re U ratang kateng! Kamoo re U khumamelang le ho U rorisa, Uena Mohlolehi Ea ke keng a bapisoa le letho! Re U neha thoriso. Oh, re tla U rorisa, le ho U neha thoriso, ka mengoaha eohle!

<sup>216</sup> Re amohele, Morena, re sa ntse re nehela mahlohonolo ana, litholoana tsa molomo oa rona. U itse, "Re sechaba se ikhethileng, re baprista le marena, ba hlasisang sehlabelo sa moea, litholoana tsa melomo ea rona tse rorisang Lebitso la Hae." Re Mo rorisa hakakang! Re Mo khumamela ka mehla le mehla! Oh, amohela tsona tse dipoko tsa lipelo tsa rona, ho hlalosa melomo ea rona, Morena, hore re U rorisa ho tsoa botebong ba pelo e hloekileng. Ho tseba, hoo, ha se seo re ka se etsang. Ha se bophelo ba rona; ke Bophelo ba Hae. Ha se poloko ea rona; ke poloko ea Hae. Ha se leholimo la rona; ke Leholimo la Hae. Oh, ha re sebetse ka mesebetsi ea rona; re mesebetsi ea Hae. Hase mohau ua rona; ke mohau oa Hae. Hase khanya ea rona; empa khanya ea Hae. E seng matla a rona; empa matla a Hae. Oh, kamoo re U ratang kateng! Hase kereke ea rona; empa Kereke ea Hae. Re U rorisa joang, hoba tseo ke lipelo tsa rona, Morena. Ke lipelo tsa rona tseo. Re amohele.

<sup>217</sup> Oho Molimo, romela Branham Tabernakele e nyane tšoloho ea Moea. Na u tla etsa joalo, Morena? Oh, re bahloki, mona koung. Molimo, romela phororo tsa mahlohonolo. Tšela pula ea Molimo, ea pele le ea morao.

<sup>218</sup> Kolobetsa molisa oa rona, bocha, Morena. Mo tukise ka Evangeli. Re a mo rata, kajeno, Morena. Ke mohlanka ua Hau. Re rapela hore U tlotse pelo ea hae.

<sup>219</sup> Tlotsa lipelo tsa bareri ba bang ka mohahong hoseng hona, le setho ka seng. Re ke re tsöe mona, Morena . . .

<sup>220</sup> 'Me o se ke oa lebala mohlanka ua Hau ea futsanehileng, ea sa lokang, 'na, Morena. Hore U tle u ntlotse bocha ka Moea o Halalelang. Aba sena, Morena.

<sup>221</sup> Re fe mahlohonolo ana. Re lebeletse aletareng ka boikokobetso, ho tseba hobane rea e amohela, ho sesa Moeeng oa Hau o Halalelang; 'me ha re lihlong ka Evangeli ea Jesu Kreste, Matla a Molimo, a isang polokong. Re U lebohang ka Eona!

<sup>222</sup> Tsatsi le leng le tlotlehang, re tšepile ho U bona, Morena, ho bea matsoho a rona holim'a maoto a Ěo ea emeng le rona kajeno, eo re sa 'moneng, re mpa re tseba hoba O teng mona. Re Mo rorisa hakakang!

. . . tlase Motseng oo,  
Letsatsi ha le sa tla likela;  
Lipalesa li thunya kamehla le mehla,  
'Me letsatsi teng, le ke ke la likela.

Ke ikutloa ke batla ho tsoela pele,  
 Ke ikutloa ke batla ho tsoela pele;  
 Lipalesa li thunya kamehla le mehla,  
 'Me letsatsi teng, le ke ke la likela.

Ba ikutloang joalo ba bakae? Phahamisa letsoho la hau.

. . . ke batla ho hoeletsa, ka linako tse ling,  
 Ke batla ho hoeletsa, ehlile;  
 Lipalesa li thunya kamehla le mehla,  
 'Me letsatsi teng, le ke ke la likela.

Ke ikutloa ke batla ho tsoela pele,  
 Ke ikutloa ke batla ho tsoela pele;  
 Lipalesa lia thunya . . . ( . . . ? . . . )

<sup>223</sup> Ke Uena molaoli oa sekepe, Morena. U tseba tsohle ka sona.  
 Re kopa lehlohonolo lena ka Lebitso la Kreste. Amen.

<sup>224</sup> Ntate ea Maholimong ea ratehang, e re re sa theosa ka aletare, ho beha matsoho holim'a bao mohlomong ba emetseng lehlohonolo le eketsehileng, a Moea o Halalelang, o sa kang ua ama ka tšoanelo feela . . . Empa rea rapela, Ntate ea Maholimong, hore U tle u abe lehlohonolo . . . ? . . . Oh, bua, Ntate ea Maholimong, hauhela khaitseli ea rona.

<sup>225</sup> Ntate ea Maholimong ea Ratehang, e re mosali enoa ea ratehang mona a sa nyolohela mona ka tumelo . . . O qetile matsatsi a mangata mona; meriri e moputsoa ena le masoebe . . . ? . . . Empa ke mosebetsi o mongata o thata hakakang o neng o tla tlameha ho feta mona. Ha ho pelaelo hore matsoho ana a kile a theoha a phetla maqephe a Bibele, a phahamiselitsoe ho Uena. Ntle le pelaelo, empa ka botšepehi pelong, hoseng hona, eitseha ha a hohobela ka har'a kereke ena, ka seikokotlelo tlas'a sephaka sa hae. Empa joale, ka tumelo, o se beha fatše, ho tloha a ikela. Mo folise, Morena. O tlela mahlohonolo a Molimo. Ke a rapela, Molimo oa Leholimo, hore U tle o mo hlohonolofatse. 'Me a se ke a tlameha ho o nka hape, litšiung tsohle tsa ho phela hae. Mo natlafatse meleng. A U hapele meeaa, Morena, 'Mmusong oa Molimo. Ka Lebitso la Jesu Kreste. Amen.

<sup>226</sup> Molimo a u hlohonolofatse, khaitseli. U se ke . . . Ha u sa tla tlameha ho sebelisa molamu oo oa khale, ha ke lumele, hape. U itoketse, 'me ke lumela hore u ea lapeng u sa o nka. Amen. Ha u tsoa ka mohahong, u hlome lehetleng la hau, u tlohe u tsoe. Tsohle li tla fela.

<sup>227</sup> Ntate Molimo, re U rapela ho hlohonolofatsa mosali enoa ea emeng mona kajeno. Mo folise ka botlalo. Aba sena, Ntate. Re mo bea matsoho 'me re a e lumela, ka Lebitso la Jesu.

<sup>228</sup> Ntate Molimo, re bea matsoho holima Khaitseli Slaughter, 'me re kopa hore a fole. [Sekheo lebanteng—Mohl.]

<sup>229</sup> Molimo o Ratehang, re mo bea matsoho . . . [Sekheo lebanteng—Mohl.]

<sup>230</sup> Ha u tsebe na u ikutloa joang. Ke tla bina temana; le bine lehlaso le 'na.

Oa pele ho shoela leano lena la Moea o Halalelang,  
E ne e le Johanne Mokolobetsi, a shoa joaloka ka monna;  
Ho tle Morena Jesu, ba Mo thakhisa,  
A re Moea o tla pholosa batho sebeng.

E lula e fopha mali, e, e fopha mali,  
Evangeli ena ea Moea o Halalelang, (ke a E rata.) e fopha mali,  
Mali a barutuoa (Lefatše le bue seo ba se batlang.) ba shoetseng 'Nete,  
Evangeli ena ea Moea o Halalelang e lutse e fopha mali.

Eaba ba tlepetsa Setefane ka majoe, a rera khahlano le sebe  
A ba halefisa, ba bothetsa hlooho ea hae;  
Empa a shoa Moeeng, a neela moea,  
A ea kopana le ba bang, makhotla a le a fanang ka bophelo.

Ea 'na ea fopha mali...  
Evangeli ena ea Moea o Halalelang, e fopha mali,  
Mali a barutuoa ba shoetseng 'Nete,  
Evangeli ena ea Moea o Halalelang, e fopha mali.

Ho na le Petrose le Paulose, le Johanne ea khethhehileng,  
Ba tela maphelo a bona Evangeli ena e tle phatsime;  
Ba tsoaka mali a bona, le baporofeta ba khale,  
Ho tl'o boleloe ka botšepehi 'Ntsoe la 'nete la Molimo.

E ntse e rotha mali, e, e fopha mali,  
Evangeli ena ea Moea o Halalelang, e fopha mali,  
Mali a barutuoa ba shoetseng 'Nete,  
Evangeli ena ea Moea o Halalelang, e fopha mali.

Meea e tlas'a aletare, e hooang, "Ho tla ea hakae?"  
Morena o tla otla neng ba entseng bobe;  
(Mamelang.)

Empa bongata bo sa tla neela mali a bophelo  
 ba bona,  
 Bakeng sa Evangel ena ea Moea o Halalelang  
 le mophula oa eona o mofubelu.  
 Oh, e lula e fopha mali, e, e ntse e fopha mali,  
 Evangel ena ea Moea o Halalelang, e fopha  
 mali,  
 Mali a barutuo ba shoetseng 'Nete,  
 Evangel ena ea Moea o Halalelang e a  
 fopha... .

<sup>231</sup> Le bakae ba thabileng hoseng haele moo le amohetse  
 Moea o Halalelang? Phahamisang matsoho a lona. Na ha e  
 babatsehe? Ehlide.

E fopha le... .

<sup>232</sup> Tsukutlana le motsoalle oa hau ea emeng haufi le uena ka  
 matsoho.

. . . ho fopha mali,

E re, "Ho bokoe Morena, moena, ka molemo 'ohle oa Hae."

. . . Moea Evangel e fopha mali,  
 Oh, mali a barutuo ba shoetseng 'Nete,  
 Ena... .

Molimo a u hlohonolofatse, moena. Molimo a u  
 hlohonolofatse.

. . . Evangel e fopha mali.

Oh, e fopha mali... .

Ke eona. Phahamisang matsoho a lona.

. . . e fopha mali,  
 Evangel ena ea Moea o Halalelang e fopha  
 mali,  
 Mali a barutuo ba shoetseng 'Nete,  
 Evangel ena ea Moea o Halalelang e fopha  
 mali.

E fopha mali, (Alleluia!) e fopha mali,  
 Evangel ena ea Moea o Halalelang, oh, E fopha  
 mali, (. . . ? . . .)

. . . ka mali, e, E fopha mali,  
 Evangel ena ea Moea o Halalelang, e fopha  
 mali.

Bohle ba se bine!

Mali a barutuo... .

<sup>233</sup> Molimo a u hlohonolofatse, khaitseli. [Khaitseli o re, "Moena Branham... ? . . . —Mohl.] Yaa. [" . . . ? . . . lilemo tse tharo tse fetileng."] Ho a babatseha! Ke thabile haholo ho utloa seo. ["O

mpoleletse, ha nka fumana monyetla ho bua le uena, hore ho uena, ‘Malume.’”] Molimo a u hlohonolofatse!

<sup>234</sup> Mofumahali e mong o sa tsoa rapelloa, o se a tsamaile joale lilemo tse tharo, a tlotsila Molimo.

Joale ha re bineng sefela sena se monate sa khale. Ke ba bakae ba ratang see?

Tumelo ho Ntate, tumelo ho Mora,  
Tumelo ho Moea o Halalelang, tse tharo  
Bonongoeng;

Ho lokile, khaitseli, se letse.

Tumelo ho...Mora,  
Tumelo ho Moea o Halalelang, tse tharo  
Bonongoeng;  
Bademona ba tla thothomela, le baetsalibe ba  
tsohe:  
Oh, tumelo ho Jehova e tla etsa eng le eng . . .

<sup>235</sup> Ba bakae ba ratang letšoelie le thabileng tjee? Khele, Molimo a u hlohonolofatse, khaitseli. Ha re bineng kaofela hona joale. E mong le e mong, ka lentsoe le phahameng. Molimo a u hlohonolofatse, khaitseli. Kea leboha, khaitseli. Molimo a u hlohonolofatse. Amen. Molimo a u hlohonolofatse. [Moena o bua le Moena Branham—Mohl.] E. Amen. Amen. Molimo a u hlohonolofatse. Molimo a u hlohonolofatse.

<sup>236</sup> [Khaitseli o bua le Moena Branham—Mohl.] Molimo a u hlohonolofatse, khaitseli ea ka e ratehang. Molimo a u hlohonolofatse, khaitseli.

<sup>237</sup> [Sekheo lebanteng—Mohl.] . . . matsoho a lona, ’me le se bine joale.

Molimo a be le lona ho fihlela re kopana . . .

<sup>238</sup> Molimo a u hlohonolofatse, Khaitseli Kelly. Ke thabela ho u bona holimo mona! [Khaitseli Kelly o bua le Moena Branham—Mohl.] Ho lokile. Molimo a u hlohonolofatse.

<sup>239</sup> Bohle ba tseba hore ke mang enoa ea hoeletsang. Ke Khaitseli Kelly. Ua tseba, o ne a tlamehile . . . E—e liabolosi o lekile ho ’molaea ka ntle mona, kotsing ea koloi, le ho mo beha kantle mono kokelong, a khabetsoe kahohle, le ho bolela a ke ke a hlola a tsamaea hape, le ntho e ’ngoe le e ’ngoe. Empa, mohau oa Molimo! Ke eena ea folisitsoeng. Ékare lerata la Salvation Army holimo mona hoseng hona. Ha re roriseng Morena le eena ’moho, bohole! Bohle le tle, le kopane le Khaitseli Kelly, ’me le tsukutlane ka matsoho le eena ha le feta.

<sup>240</sup> Kea tseba bohole le thabetse ho bona khaitseli ea lōna. ’Me, mona, theohang le mo tsukutle ka matsoho, hantle mona aletareng. Bohle le etse joalo, bohole. “Ke thabetse ho u bona!” Ho lokile, ho bokoe Morena!

Ho fihlela re kōpana! ho fihlela re kopana!  
Molimo a u sitse re be re kopane!

Moena Neville.

Ho fihlela re kōpana! ho fihlela re kopana!  
Ho fihlela re kopana maotong a Jesu; (Ho  
fihlela re kopana!)  
Ho fihlela re kōpana! ho fihlela re kopana!

Molimo a u hlohonolofatse, Moena Neville. Amen. Molimo a u hlohonolofatse.

<sup>241</sup> Ha re emeng re inamise lihloho tsa rona motsotso feela, na  
le ka etsa joalo, ha moena a re qhala. Inamisang lihloho tsa lona  
motsotso feela ka thapelo. Moena Neville, ka kopo. 

*BUKA EA BOPHELO EA KONYANA* SST56-0603  
(The Lamb's Book Of Life)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phupjane 3, 1956, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)